



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

498-99-8

5-25

4004

Aphyoseptifer

sp.

12/29/94

2010

NB & 2002

49154282
- 5-26

Հրատարակութիւն Ն. Տեղագետանի

ԴԻՒՅԱԶՆԱԿԱՆ ԱՇԽԱՐՀ

(ՍԱՍՈՒՆՑԻ ԴԱՒԻԹ ԿԱՄ ՄԱԵՐԻ ԳՈՒՌԸ)

ԵՐԿՐՈՐԴ ՏԱՐՈՒԱՅ

ՈՒՍՏՈՒՆՔ ԵՒ ԸՆԹԵՐՅՄՈՒՆՔ

Յ Օ Ր Ի Ն Ե Ց

Ս: Մ Ա Ն Դ Ի Ն Ե Ա Ն

Հորբորդ տիպ

Գիշեր է 25 կումբ:

ԹԻՖԼԻՍ

Տպարան Մովսէս Վարդանեանի

Հռ. Մ. Վարդանցա, Ղալօվսկայ պող.

1894

ՀԱՐ
491.99-85 Հրատարակութիւն Ն. Տ.-Ղեղեանի
Մ-25

ԴԻՒՑԱԶՆԱԿԱՆ ԱՇԽԱՐԾ

428 (ՍԱՍՈՒՆՑԻ ԴԱՒԹ ԿԱՄ ՄՅԵՐԻ ԴՈՒՐԸ)
146-ՄԱ

ԵՐԿՐՈՐԴ ՏԱՐՈՒԱՅՑ

ՈՒՍՏՈՒՆՔ ԵՒ ԸՆԹԵՐՅՄՈՒՆՔ

Յ Օ Ր Ի Ն Ե Ց

Ս. Մ Ա Ն Դ Ի Ն Ե Ա Ն



ԹԻՖԼԻՍ.

Տպարան Մովսէս Վարդանեանի

Տպ. Մ. Վարդանյան, Ղանովսկայ պողոտա.

1893

11274

BRUNNEN VERLAG FRANKFURT AM MAIN

12A

Mobile Sensors

Дозволено цензурою. Тифлисъ, 13-го Июля. 1893 г.

ԴԻՒՑԱԶՆԱԿԱՆ ՍՃԽԱՐՀ

U.

Ա. Կարապետը Հայերի համար փառք ու պարծանք է, ուստի եւ հարուստ է։ Նատ իշխաններ եւ բոլուաւորներ խանձել են Հայերին եւ ուզեցել են կորզել նրանց ձեռք։ Ա. Կարապետը, որովհետեւ նա ունի շատ հարստութիւն կալուածք, անտառ ու գաշտ, ոյխար եւ տաւար։

Բաղդադ քաղաքը առաջ շատ շքեղ եւ մեծ էր. նրա խալիֆան զօրեղ եւ կտրիչ մարդ էր։ Սա զօրք ժողովեց եւ եկաւ մեր սուրբ Կարապետի վրայ, շատերին գերի տարաւ եւ մեր ազգը շատ նուազեցրեց։

Գերիների մէջ լինում է մի շատ սիրուն աղջիկ։ Բաղ-
դադի խալիքան հստանում է նրան եւ իրան կին է առ-
նում։ Մէկ ժամանակից յետոյ երկու տղայ է լինում այդ-
կնոջից։ մէկի անունը գնում են Ս.բամէլիք, միւսինը՝ Սա-
նասար։ Սրանց հայրը կռապաշտ էր, իսկ մայրը խաչապաշտ,
որովհետեւ մայրը մեր ազգիցն էր։

* * *

Այդ խալիքան մի անգամ էլ զօրք ժողովեց՝ եկաւ
մեր ազգի վրայ։ Մեր ազգը (մեռնեմ սուրբ Կարապետի
հրաշքին) այս անգամ նրան շատ նեղը լծեց։ Այնպէս որ
այս մեծ նեղութեան մէջ խալիքան դիմեց իրանց կուռքին
եւ ասաց. «Ո՞վ մեծ կուռք, դու ինձ ազատիր այս ազգից,
եւ երք ես ողջ վերագառնամ, խոստանում եմ՝ իմ երկու
տղայըը քեզ մատաղ անեմ»։

Նրանց մայրը քնեց, երազ տեսաւ։ Տեսաւ որ ինքն եր-
կու ճրագ ունէր. այդ ճրագները, իբր թէ, մէկ ուզում
էին հանգչիւ, մէկ էլ դարձեալ սկսում էին լոյս տալ։
Առաւոտը վեր կացաւ եւ, միտք բերելով, պատմեց երկու
տղայոց երազի եղելութիւնը եւ ասաց. «Այս գիշեր երազումն
Ս. Կարապետն ինձ երեւաց, ասաց թէ ձեր հայրն ընկել է
նեղութեան մէջ եւ ձեզ մատաղ է խօստացել իւր կուռքե-
րին։ Ուրեմն երբ որ գայ՝ ձեզ պիտի մատաղ անէ։ Գնացէք,
ձեր ճարը գտէք։

* * *

Եղբայրները Աստուած կանչեցին, վեր առան իրանց պա-
շարը, լցրին պարկը եւ ճանապարհ ընկան։ Ընկան ճանա-
պարհ եւ շատ պտտեցին. տուին գուրս եկան օտար երկիր։

Գնացին հասան մի նեղ ձոր եւ տեսան, որ մի գետ է
գալիս անցնում. միւս կողմից մի առու էր գալիս մտնում
այդ գետը, կտրում էր նրան եւ ուժով շերտում էր մինչեւ
մէջտեղը, եւ ապա խառնուում նրա հետ ու գնում։ Սանա-
սարը շատ զարմացաւ այս բանի վրայ եւ Սբամէլիքին ասաց.
«Ով որ այդ ջրի ակը գտնէ եւ իւր տունը այդ ջրի վրայ
շինէ, նրան եթէ զաւակ լինի, այդպէս ուժեղ կը լինի»։

Վեր կացան երկու եղբարք, առուն բռնեցին ու գնա-
ցին. Գնացին եւ աղբիւրը գտան։ Այդ աղբիւրի ջուրը մի

մատի հաստութեամբ ջուր է. գալիս է, բոլորովին կտրում
է իւր տակի առուն եւ յետոյ մի անգամ էլ դառնալով՝
խառնուում է նրա մէջ։

Նստում են սոքա այդ աղբիւրի գլխին եւ իրանց բերդի
հիմքը ձգում։

Սանասարը որսի էր գնում, իսկ Սբամէլիքը աշխատում
էր բերդի շինութեան վրայ։ Այդ տեղի մօտակայքում դեռ
ուրիշ բնակութիւն չկար։

Տամ կամ քսան օր բանեցին այդ ամրոցի վրայ։ Աշ-
խատանք էր, որ նրանք անդադար կրում էին։ Սբամէլիքը
մի օր գնաց տեսաւ, որ Սանասարը յօգնած պարկել էր։
Արիւնոտ որսերը հէնց առանց եփելու թափել էր գետին
ու քնել։ Շատ կակտաց նրա դրութեան վրայ եւ ասաց.
«Եղբայր, վեր կաց գնանք մի տէր գտնենք, մինչեւ Երբ
պէտք է մենք այս տեղ մնանք եւ անալի միս ուտենք։ Աս-
տուած որ տուել էր, մեզ մեր հօր պալատն ու ամրոցը կը տար»։

* * *

Երկուսն էլ հեծան ձիերը եւ դիմեցին Արզրում նըս-
տող իշխանին։ Գնացին այդ իշխանին գլուխ տուեցին։ Ահա-
գին եւ ուզածիդ պէտ ակնածելի մարդիկ էին այդ երկու
եղբայրները։

Արզրում նստող ամիրան շատ հաւանեց դրանց, հար-
ցրեց դրանց ազգն ու հայրենիքը եւ ասաց. «Դուք ինչ
մարդ էք»։

—Մենք Բաղդադի խալիքի որդիքն ենք, ասաց Սանա-
սարը։

«Հայ, հայ, հայ, ասաց ամիրան եւ դրանց առաջ թափ
տուեց իւր փողպատը. մենք դրանց մեռեներիցն էինք
վախենում, հիմի կենդանիներին պատահեցանք։ Ուր կ'եր-
թաք՝ գնացէք, մենք չենք կարող ձեզ տէր լինել»։

Այնտեղից յետ դարձան եւ քշեցին գնացին Ղարսում նոտող ամիրայի մօտ, նա էլ այդպէս խորշեցաւ նոցանից: Եւ նրանք այդտեղից էլ դառնալով՝ մոքները դրին որ այս անգամ Կապուտկողի թագաւորին գնան:

Սանասարն ասաց Աբամէլիքին. «Եղբայր, մենք այդ հօրիցն ենք փախչում: բայց ինչու նրա անունն ենք դրել մեր վրայ. այսուհետեւ ուր որ գնանք, ով որ հարցնէ, պէտք է ասենք, թէ մենք բան չունինք՝ ոչ հայր, ոչ մայր, ոչ տուն, ոչ հայրենիք. գուցէ մարդիկ մեզ էլ տէր դառնան»:

Երբ որ Կապուտկողի թագաւորը դրանց տեսաւ, շատ հաւանեց: Աբամէլիքը գլուխը խոնարհեցրեց եւ կանգնեց նրա առաջին. թագաւորը շատ սիրեց նրան եւ հարցրեց. «Որդիք, դուք ո՞րտեղից էք, ի՞նչ ունիք, ի՞նչ չունիք»:

— Ո՛հ, ոչինչ չունինք, ասացին, ոչ հայր, ոչ մայր եւ ոչինչ:

Վերջապէս Սանասարը կարգուեց ծխաքարշ տուող (չի-բուխչի) իսկ Աբամէլիքը սուրճ տուող (խահուէչի): Եւ այսպէս մի ժամանակ մնացին, եւ էլի շատ պէտք է մնային, եթէ ուրիշ միտք չունենային իրանց գլխում:

Մի օր Սանասարն ասաց Աբամէլիքին. «Մենք որ այսպէս ծառայենք, երբ պէտք է հասնենք մեր նպատակին. այնքան աշխատեցինք ու մեր շինքը կիսակատար մնաց: Մեզ տէր է պէտք, որ ժողովուրդ տայ մեզ եւ տիրանայ: Առաւոտը ոչ դու սուրճ եփիր, ոչ ես ծխաքարշ պատրաստեմ, եւ չգնանք իշխանին երեւալու»:

Թագաւորը քնի մէջ իմացաւ դոցա մտադրութիւնը: Առաւոտը ոչ մէկը երեւեցաւ, ոչ միւսը: Թագաւորը կանչեց այդ մարդոց եւ ասաց. «Որդիք, առաջ ես միթէ չհարցրի,

թէ ի՞նչ ունիք՝ հայր, մայր, եւ գուք պատասխանեցիք, թէ բան չունիք: Եեր միտքն ի՞նչ է»: Պատասխանեցին, «Թագաւորն ապրած կենայ, ճշմարիտ է՝ հայր, մայր չունիք, բայց եթէ քեզանից ծածկենք, Աստուծուց ի՞նչ ծածկենք: Մի ամայիւտեղ շինք ենք սկսել, փոքր ի՞նչ վրան աշխատել ենք եւ թողել եկել. այս տեսակ աղբիւրի վրայ է»: Եւ սկսան պատմել թէ ի՞նչ տեսակ աղբիւր է: Թագաւորի սիրով գութ ընկաւ վրանց վրայ եւ ասաց. «Որդիք, որովհետեւ այդպէս է, առաւօտը ձեզ մի բանի տուն կըտամ, գնացէք ձեր բերդը շինեցէք»: Եւ տուեց դոցա քառասուն տուն: Բայց ի՞նչ տուն . . . ամեն մէկին մի էշ ամենայն բարիքով բարձած եւ մէկ մէկ էլ ճախարակ հետը գրեց:

Առաւոտը վեր կացան, ժողովեցին, կապեցին, բարձեցին իրանց բաները եւ ճանապարհ ընկան. գնացին, իջեւանեցան իրանց աղբիւրի եւ իրանց հիմքի վրայ:

Սանասարն ասաց Աբամէլիքին. «Առաջ այս բերդը շինենք, թէ այս ողորմելի աղքատների բնակարանները ու յետոյ շինենք մեր բերդը. այդ խեղձերը չեն կարող արեւի տակ կենալ»:

Եւ սկսան շինութիւնները: Աբամէլիքն այնքան զօրեղ էր, որ տասը տան տեղ էր փորում եւ տասը տուն շինում: այն միւսն էլ փայտերն էր բերում: Եւ այսպէս բնակարանները երկուսով էին շինում: Երկու եղբայրները չորս օրուայ մէջ քառասուն բնակութիւն շինեցին աւարտեցին: Ապա սկսեցին կիսատ թողած բերդը շինել եւ վերջացրին: Այնքան ուժեղ էին, որ քարէ սեան քարէ միւն զարկեցին, կա-

մարները քաշեցին եւ բերդն աւարտեցին:

Արամէլիքը վերկացաւ, եկաւ իւր թագաւորի մօտ եւ ասաց. «Մենք քո որդիքն ենք, մեր բերդը շինել եւ աւարտել ենք. հիմի եկել ենք քեզ մօտ եւ խնդրում ենք, որ գաս եւ մեր բերդին անուն դնես»:

Թագաւորը շատ սիրեց եւ պատուեց Արամէլիքին եւ ասաց. «Լաւ է, որ ինձ չէք մոռացել», եւ ելաւ իւր աղջիկը Արամէլիքին տուեց եւ որդեգրեց նրան:

Երբ որ աղջիկը պսակեցին, ելան թագաւորը, աղջիկն ու տղան եւ նոցա հետ էլ քեռի թորոսը, ձի հեծան եւ գնացին: Նրանց հետն էլ շատ զօրը ու ժողովուրդ. տարան շատ զարդ ու պարգեւներ եւ մեծ հանդէս պիտի կատարէին: Արամէլիքը նոցա առաջնորդեց եւ գնացին հասան բերդի տեղը: Արամէլիքը գլուխ տուեց թագաւորին եւ ասաց: «Տէ՛ր, քո ոտիդ տակն է բերդը»: Թագաւորն ուրախացաւ, հրամայեց դրօշակները բանալ, զարդարուել, փող փշել, թմբուկ հարկանել, պարգեւներ հանել եւ մեծ հանդիսով բերդը մտնել:

Երբ որ մօտեցան՝ յանկարծ թագաւորն այնպիսի փառաւոր շենք բերդ տեսաւ, որ հիացած մնաց: Զարմացաւ, բայց շուտ էլ բարկացաւ եւ այնտեղից ձիու գլուխը դարձրեց, որ պիտի յետ գնար, եւ ասաց. «Ուուք ձեր բերդին անուն դրել էք, վերջացրել, հիմի դիտմամբ կանչել էք ինձ, որ փորձէք»:

Թագաւորն ապրած կենայ, ասաց Արամէլիքը, մէկ մենք, մէկ Աստուած գիտէ, որ այդ բերդին անուն չենք դրել. մենք միայն բերդ շինեցինք կանգնեցրինք»:

«Ե՛, ապրիք, լաւ վարպետ ձեռք էք ունեցել: Եւ որովհետեւ անուն չէք դրել, քարէ սեան սիւն էք տուել, հրամայում եմ եւ դրա անունը պէտք է լինի Սեանսիւն, Սասուն»:

Մէկ ժամանակ մնացին այնտեղ, քեռի թորոսին էլ գլուխ կարգեցին եւ նա էլ այնտեղ մնաց: Թագաւորը դարձաւ իւր տեղը:

* * *

Արամէլիքը շատ կտրիչ մարդ էր: Մշի վերեւով ինչ սարեր որ պատել, գօտի են կազմել՝ այդ ամենն էլ գրաւեց էլ ոչ մէկ կողմը չժողեց, միշտ ձի էր հեծնում, իւր բերդի դռնից դուրս էր գալիս, եւ որքան ջին ու ջանավար էր տեսնում, բռնում էր, տէր էր գառնում:

Մի օր էլ գնաց մինչեւ Մուսուլ եւ այն էլ գրաւեց այնտեղի թագաւորին սպանեց, առաւ նրա կինը եւ մի որդի ունեցաւ: Եւ որովհետեւ իւր անունը Արամէլիք էր, որդու անունը դրեցին Մալամէլիք: Արամէլիքը նստեց Մուսուլ եղաւ թագաւոր:

Դա այդտեղ թող նստած մնայ:

Բ.

Սանասարը նստած էր Սասուն: Իւր հօր կուռքերը չէին թողնում, որ այդտեղ հանգիստ մնայ, եւ ելաւ ճանապարհ ընկաւ ու գնաց Բաղդադ իւր հօր ու մօր մօտ: Նրա հայրը լուսամտի առաջ նստած էր, տեսաւ որ իւր որդի Սանասարը գալիս է, ճանաչեց եւ ասաց. «Է՛, մեռնիմ քեզ մեծ կուռք, մեծ է զօրութիւնդ, որ քո մատաղը քաշեցիր բերիր. երբեւիցէ միւսն էլ կը քաշես կը բերերես»: Իսկ մայրը որովհետեւ քրիստոնեայ էր, նստաւ արտասուեց իւր որդոց վրայ:

Հայրն առաւ թուրն ու սուրը եւ գնաց, կանչեց Սանասարին եւ ասաց. «Որդի, արի գնանք երկրպագութիւն տուր մեծ կուռքին, որ քեզ մատաղ անեմ»: — Հայրիկ, ասաց տղան, քո մեծ կուռքը շատ զօրաւոր կուռք է. գիշերն

Էլ չեր թողնում, որ մենք այնտեղ հանգիստ մնայինք.
Երբեկցէ միւս մատաղն էլ կը քաշէ կը բերէ»:

Սուաւ տղային եւ մուաւ կուատուն:

Տղան ասաց հօրը. «Հայրիկ, դու գիտես, որ երբ մենք գնացինք՝ պստիկ էինք. մենք քո կուռքի զօրութիւնը չգիտենք. դու խոնարհիր, քո կուռքին երկրպագութիւնը տուր, տեսնեմ ինչպէս ես անում, որ ես էլ սովորեմ:

— Այսպէս, որդեակի, ասաց հայրը եւ խոնարհեցաւ,
Երկրպագեց:

«Հայրիկ, ասաց տղան, տես քո կուռքն ինչ զօրաւոր էր. երբ որ դու խոնարհեցար՝ իմ աչքերը մթնեցան, չտեսայ, թէ ինչպէս արեցիր»: (Որովհետեւ արխալուխի կոճակները չարձակուեցան՝ այս առաջին անգամ չհասաւ, որ զարկել էր): Եւ յետոյ աւելացրեց. «Հայրիկ, մէկ անգամ էլ երկրպագիր, տեսնեմ՝ ինչպէս ես անում, որ ես էլ անեմ»:

Եւ երբ որ հայրը կրկին խոնարհեցաւ, տղան ասաց. «Եա հայն ու գինի, Տէր կենդանի», եւ մի գուրզ իջաւ, եւ իւր հայր խալիփային եօթն գաղ գետինն ի վայր իջեցրեց. Ապա առաւ գուրզը եւ մուաւ կուռքերի մէջ, բոլորն էլ ջարդեց, եւ առաւ արծաթներն ու լցրեց իւր արխալուխի փէշը, բերեց տուեց մօրը եւ ասաց. «Մամօ, դոցանից զարդեր շինել տուր քեզ համար»:

Մայրը խոնարհեցաւ, երկրպագութիւն արեց եւ ասաց. «Գոհանամ Քեղանից, երկնի եւ երկրի Ստեղծող, որ մեզ այս բարբարոսի ձեռքից աղատեցիր»:

Եւ բերեց Սանասարին պսակեց եւ նստացրեց հօր գահի վրայ:

Նա մնայ այնտեղ: Մենք գանք Աբամէլիքին:

Արա զեօն լուս, ըմբառած Փ. Դոդին ու զնուան իւր ժամանակ զան խայտի միջանց ունենած ուն մշևա ըստ քառ անցաւ մի միջոց, մի ժամանակ. դրանից մի քանի որդիք ծնուեցան. մէկի անունը դրեց ծննդափոքրիկ, մեծ տղայինը՝ Ցանվէգի, մէկինը՝ Զէնով Ովան, մէկի անուն էլ՝ Խոր Գուսան, ամենից պստիկն էլ՝ Դաւիթ:

Այդ տղայոց մէջ ծննդափոքրիկն ու Ցանվէգին ամենեւին բանի պէտք չէին: Խոկ Զէնով Ովանն այնպիսի ձայն ունէր, որ եօթը գօմշի կաշի ձգում էր արեւը՝ չորացնում, նրանով փաթաթւում, որպէսզի եթէ գոռայ՝ ինքը չպատրաստի եւ չորաքուի:

Խոր Գուսանը լաւ երգում էր եւ իւր խաղով աշխարհը էր գրաւում:

Բայց ամենից աւելի հնարաւորն ու շնորհալին Դաւիթն էր. նրա ուժը ոչ մէկ լեզուով չի պատմուիլ: Այսպէս բաւական ժամանակ մնաց, ծերացաւ Աբամէլիքը. մի օր նստաւ ինքն իրան մոտածեց եւ ասաց. «Զորս կողմը ինձ թշնամի եղաւ. իմ անկումից յետոյ՝ էլ ովկ պիտի տէրութիւն անէ իմ որդոց: Թէ որ անէ՝ միայն Մոլամէլիքը կարող է, թէ չէ՝ ուրիշ մարդ չի կարող դէմ դնել իմ թշնամիներին»:

Ճանապարհ ընկաւ եւ գնաց Մոլամէլիքին: Ծեր ժամանակն էր, ասաց. «Մոլամէլիք, որդիս, դու էլ իմ զաւակս ես. եթէ ես շուտ մեռնեմ, իմ որդիքս քեզ պահ կը տամ, եթէ դու շուտ մեռնես, ես կը խնամեմ քո որդոց եւ կը պահպանեմ: Դարձաւ եկաւ, մնաց իւր բերդում: Մահուան օրն եկաւ, մեռաւ: Մոլամէլիքն եկաւ նրա որդոց տարաւ, ըստ որում հօր պատուէրը չէր մոռացել:

* *

Իսկ Սասունը իւր տիրոջ մահուանից յետոյ եօթը տարի սուգ մնաց. ամէն նոր ծնուողին խաղով իմաց կանէին Աբամէլիքի մահը, ամեն մեռնողին եթէ հոգելոյս ասէին՝ Աբամէլիքն էլ հետը կը յիշէին. ոչ հարսանիք աւնէին, ոչ ուրախութիւն։

Քեռի Թորոսն էր վշտացած ամենից շատ, որ աշխարհքը անտէր է մնացել եւ Աբամէլիքի ժառանգները այսքան ժամանակ գերիների պէս նստած են հեռու իրանից։

Երբ որ գիւղացիք շատ սուգ արեցին, մի օր հաւաքուեցան, եկան քեռի Թորոսի մօտ եւ ասացին. «Քեռի Թորոս, մեր տղայըը ալեւորեցան եւ մեր աղջկերքը պառաւեցան. եթէ մեր եօթը տարի սուգ անելովը մեր Աբամէլիքը կը կենդանանայ, մի եօթը տարի էլ աւելի պահենք. պատրաստ ենք»։

Քեռի Թորոսը հրաման տուեց դրկից—հարեւաններին եւ ասաց. «Պատկեցէք ձեր տղաներին ու աղջկներին, սուգ պահելով ոչինչ չի լինի»։

Քեռի Թորոսն ու գիւղացիք նստան գինեխում սարքեցին ու խրախճացին. Միայն քեռի Թորոսն էր անմխիթար. Նա կթխան ձեռն առաւ, մնաց սառած եւ սկսեց մոտածել՝ ոչ խմում է եւ ոչ վեր է գնում. Թորոսի տղան հեռուից ձայն տուեց եւ ասաց. Պատկ, դոքա Սասունի գժեր են. Հիմա մի անպատիւ խօսք կ'ասեն քեզ, կամ խմիր, կամ գիր գետին ու գնա»։

Վեր առաւ հայրն ու տղին ասաց. «Հէյ անպիտան որդի, ես այստեղ նստեմ կերուխում անեմ, Ալամէլիքը գայ մեր երեխաներին տանի, Աբամէլիքի տղաներին քչէ տանի, ես այստեղ կերուխում անեմ. Ամօթ չէ մեզ. Հաց գինի ու Տէր կենդանի, քան այս կթխան աւելի խմած չըլինիմ. ելնեմ երթամ իմ երեխաներին երեւամ»։

* *

Քեռի Թորոսը Սասունից խփեց ու գնաց Մուսուլ. ինքը գլուխ տուեց, Ալամէլիքը գլուխ տուեց ու նստան. Թորոսն ասաց. «Ահա ես մուրագու՝ գատանագիր Աստրծու: Իրաւ է, դուք եւ Աբամէլիքը պայմանագիր էք եղել, թայց գերին գին ունի, տիրոջ կը հասնի»: Իսկ այս մայդանուան գնացին Աստրծու գատաստան. երեխանները Թորոսին վիճակուեցան: Մուլամէլիքի աշքը շատ էր վախենում այդ տղաներից, ուստի քեռի Թորոսին ասաց. «Արի քեր այդ տղաներին անցկացրու իմ թրի տակով, յետոյ առ ու գնա»։

Քեռի Թորոսն եկաւ յայտնեց տղաներին. Ցանկէգին ասաց. «Գնանք անցնենք նրա թրի տակով եւ թողնենք երթանք»: Միւս երկումն էլ նոյնն ասացին. Բայց Դաւիթը քար կտրուեցաւ եւ ասաց. «Սպանում է՝ թող այսօր սպանէ, որ մարդիկ ասեն, թէ մի երեխայ է սպանել: Ես նրա թրի տակով չեմ անցնիլ. այսպէս է անում, որ էգուց ես մեծանամ» սուր քարձացնեմ իւր վրայ».

Քեռի Թորոսը ահից դոցա ժողովեց միատեղ, որ տանի, թրի տակով անց կացնէ: Դաւիթն ընդգիմացաւ, կանգնեց եւ չի գնում թրի տակը: Քեռի Թորոսը բարկացած բռնեց Դաւիթի օձիքը եւ հրեց, որ անցնի թրի տակով: Դաւիթը չգնաց թրի տակով, այլ կշտով անցաւ եւ իւր մեծ քութը քարի վերայ քսուեցաւ՝ կրակ գուրս ելաւ նրանից: Երբ որ Ալամէլիքն այս նկատեց՝ ասաց. «Դա որ գեռ փոքր է՝ այսքան է, որ մեծանայ՝ ինչ կը լինի: Եթէ ինձ մի վնաս պատահի՝ դրանից կը լինի»:

Քեռի Թորոսն առաւ տղերանց եւ Սասուն եկաւ: Ամենին պաշտօնի կարգեց, ինչպէս կը վայելէր. Ցանկէգուն բերդի մէջ թագաւոր դրեց հօր տեղ եւ Դաւիթն՝ որ ամենից պստիկն էր՝ հորթապահ արեց:

* *

Պաւիթն էր, որ մի դագանակ զարկելով՝ քառասուն հորթ էլ հետը գլորում էր։ Զօր շատ ունէր, բայց հորթապահութիւն լաւ չսովորեց։ Մի օր էլ քշեց հորթերը՝ հանեց սարի գլուխը, տեսաւ որ հորթարածի մէկը իւր հորթերին անհծում է։ Դաւիթն այս կողմից գնալով՝ ասաց. «Այ մարդ, դու ի՞նձ ես անհծում. կաց գամ մի դագանակ տամ գլխիդ, որ սասանես»։

Իսկ նա պատասխանեց Դաւիթին. «Դլսիդ արեւիդ մեռնիմ. ես էլ քեզ պէս քո հօր գիւղի հորթարածն եմ, իսկ սոքտ ռամկի հորթերն են»։

Եթէ այդպէս է, ասաց Դաւիթը, արի եղբայրանանք. միայն ես հորթատարի ճիշդ ժամանակը չգիտեմ, իմ հորթերն էլ գու պահիր. երբ որ գնալու ժամանակը լինի, իմ առաջը քշիր, որ տանեմ նրան»։

Եւ այդ օրը ճիշդ ժամանակին հորթերն առաւ ու եկաւ գիւղ։ Ուրախացաւ քեռի թորոսն ու ասաց. «Ո՛րդի, ահա այդպէս աչքաբաց եղիր՝ ամենայն օր ժամանակին գնա ու արի»։

Դաւիթն ասաց. «Քե՛ռի, այդ իմ շնորհը չէր. ես մի եղբայր եմ բռնել, ամենայն օր պիտի պահէ իմ հորթերը, ես էլ պէտք է լաւ տէրութիւն անեմ նրան»։

Մի օր Դաւիթի ընկերն ուշացաւ. Դաւիթը շատ նեղացաւ, Դու մի ասա, այն տղայի գիւղում ցաման ժամ պատարագ էր, տղան էլ այդ պատճառով ուշացել է։ Եւ երբ որ եկաւ՝ Դաւիթն ասաց նրան. «Իմ ձեռքիցս այս օր ի՞նչ պէս պէտք է ազատուիս»։

— Դաւիթ, ասաց տղան, գլխիդ արեւիդ մեռնիմ, մի նեղանար։ Ես քո ահիցդ էլ չմնացի մինչեւի վերջ. եւ այն ցաման ճաշից մի գդալ էլ չկերայ. քշեցի հորթերն ու

եկայ. Բայց ի՞նչ անեմ, որ իմ բախտիցս էլի քիչ ուշացել եմ։

Դաւիթը գթացաւ նրա վրայ, որ ճաշ չէ կերել, եւ ասաց. «Դու այդտեղ նատիր, ես գնամ քո ճաշն առնեմ բերեմ»։

Դաւիթը գրեց կօպալը ուսի վրայ եւ գնաց. Գնացմաւ գիւղացոց մէջ. տեսաւ որ հարիսէրը բոլորը հանել գրել են կալում եւ քահանայք եկել օրհնում են։ Դաւիթը կօպալը ձգեց մի չորս կանթանոց լիքը պղնձի մէջ եւ ուսի վրայ շալկեց. Զարմացան այդտեղի ժողովուրդն ու քահանաները նոցանից մէկն ասաց. «Սա մեր պղնձը տարաւ, է»։

Քահանան ասաց. «Թէ Աստուած կը սիրէք, ձայն մէ հանէք. դա Սատոնի գժերիցն է. որ դառնայ, մեզ ջարդ ու փշուր կանէ. թող տանի իւր գլուխն ուտի»։

Իսկ Դաւիթը կերակրով լիքը պղնձը ուսին՝ ընկերին է բերում։ Տեսաւ ընկերը նստած լոց է լինում։

«Հէ, հէ, ասաց զուարճանալով, գիտեմ ինչի ես լադ լինում. ճաշդ բերել եմ, աղ ու իւղ չեմ բերել, նեղանում ես։ Արի հիմա կեր ճաշդ, երեկոյին էլ վրէն աղ ու իւղ կեր, էլ պակաս ոչինչ չես ունենայ»։

— Դաւիթ, ասաց տղան, գլխիդ արեւիդ մեռնիմ. ես աղն ու իւղը ի՞նչ եմ անում։ Քառասուն աւազակ դեւեր եկան, մեր հորթերը տարան գնացին։

«Դու այստեղ կաց, պատասխանեց Դաւիթը, այս տեղի հորթերիդ նայիր. ես գնամ մէկէները դարձնեմ»։

Եւ ընկաւ հորթերի յետեւն ու գնաց. հետքը բռնեց եւ մի այրի դռան առաջ կանգնեց. Այդտեղ Դաւիթը այն-


պէս պինդ գոռաց, որ միջի դեւերի վրայ սարսափ ընկաւ։ (Ի՞նչպէս որ Քրիստոսի ձայնն ընկաւ դժոխքի մէջ եւ սատանէքը սասաննեցան։) Այդ տաղակների մեծն երը որ լսեց, ասաց. «Վայ մեզ, դա Դաւիթն է՝ Աբամէլիքի տղէն. ելէք, գլուխ տուեցէք եւ ծառայեցէք, որ մեզ չսպանէ»։

Մէկ-մէկ դուրս եկան եւ Դաւիթն էլ մէկ-մէկ կօպալ զարկեց, այնպէս որ քառասունի գլուխը թռցրեց, դիակը թողեց մնաց։ Այդ քառասունի էլ ականջները կտրեց եւ տարաւ այրի մօտ մի քարի տակ պահեց։ Այրի դուռը կօպալով կրընկահան անելով՝ ներս մտաւ եւ տեսաւ, որ մի կոյսու ոսկի է, մի կոյսու արծաթ. աշխարհքի բարութիւնն ու հարստութիւնը այնտեղ էր։ Քանի որ իւր հայրը մեռել է եւ ինչ որ աւերռութիւն են արել դոքա, բոլորն այդտեղ էր ցցրած։

Մի ուրիշ դուռ բաց արաւ եւ տեսաւ այնտեղ մի ձիու քուռակ կապած։ Ինքնիրան խօսեց եւ ասաց. «Քեռի, այս գանձը բոլորը քեզ, բայց այս անասունն ինձ լինի. տալիս ես՝ տուր, չես տալիս՝ քեզ էլ սոցա օրին կը հասցնեմ»։ Ինքը գարձեալ իւր գլխին պատասխանեց. «Որդի, գանձն էլ քեզ, անասունն էլ քեզ. ես ինչ եմ անում»։

Դարձաւ տեսաւ, որ քառասոնականթ մի պղինձ դըրուած է օճախի վրայ, քառասուն հորթեր էլ մէջը։ Կօպալը մոցրեց կանթերի մէջ եւ պղինձը վերցրեց. ջուրը դատարկեց եւ հորթերի ոտքերն էլ մէջը թափեց, շալակեց ու գնաց։

Եկաւ ընկերի մօտ, առաւ նրան ու մնացած հորթերը եւ դարձաւ եկաւ գիւղը։ Կանչեց հորթերի տէրերին, աչքերը լաւ խոժուեց նրանց վրայ եւ գոռաց. «Եթէ այս իմ եղբօր մի մասի չափ վարձը կտրէք, վայն եկել է ձեզ տարել։ Այս պղինձն էլ ձեզ լինի, ծախեցէք եւ թող ձեր հորթերի գինը լինի»։


Ինքն էլ ջոկեց իւր հորթերն ու կը որդին մուն եկան, քեռի թորոսին ասաց. «Գնա, առ քան ջորի եւ երթանք այնքան ապրանք բերենք, որ դու էլ ուտես, քո եօթը պորտն էլ. մինչեւ երբ ես պէտք է հորթարած մնամ»։

Առան ջորիքն ու գնացին։ Գնացին, մօտեցան այրին, Քեռի թորոսը տեսաւ, որ դեւերը թափուած են այրի դըռան առաջը եւ ուռել են մի-մի բլրի չափ։ Երկիւղից իւր ջորին միւս ջորիներից բաժանեց ու փախաւ։ Դաւիթը ծիծաղեց ու ձայն տուեց. «Ճնաւեր, ես դոցա ողջերից չվախեցայ, դու մեռելներից ինչ ես փախչում։ Քեռի թորոսն ասես իսկի լսում է նրա խօսքերը. մի բերան փախչում է։ Դաւիթը էլի յետեւից ձայն է տալիս. «Թէ չես հաւատում, դարձիր քո յետեւը, քարի տակ նայիր, բոլորի ականջները այդ տեղ եմ թափել»։

Քեռի թորոսը որ տեսաւ, դարձաւ առաւ ջորիներն ու մտաւ այրը. ինչ կար-չկար ժողովեցին, բեռներ բարձեցին։

Դաւիթն ասաց. «Քեռի թորոս, այս ապրանքը բոլորը քեզ, իսկ այս անասունն ինձ. տալիս ես՝ տուր, չես տալիս՝ քեզ էլ սոցա օրին կը հասցնեմ»։

Նա էլ պատասխանեց. «Որդի, ապրանքն էլ քեզ լինի, անասունն էլ, ես ինչ եմ անում»։

Երբ որ քեռու բերանից խօսքն առաւ, չեծաւ քուռակը եւ քեց մէկ այս կողմ, մէկ այն կողմ (ինչ քուռակ, նրա զօրութիւնը ոչ մէկ լեզու նկարագրել չի կարող)։



Այսպէս ապրանքով, բեռներով եկան Սասուն։ Դաւիթն այնուհետեւ հորթերից ձեռք վեր առաւ, մի լաւ բաղէ գտաւ եւ արտերն ընկաւ՝ որս անելու։

Մի օր եկաւ մի աղքատի հանդիպեց, որ եօթը հոգուց բաղկացած մի լնտանիք ունէր, եւ միայն եօթը կորի կորեկ նոցանից չորսը աւերեց, մնաց երեքը:

Տեսնողներից մէկը եկաւ, լուր բերեց աղքատ ծերունուն եւ ասաց. «Քո տունը չքանդուի, վեր կաց, գնա, արտդ տես, թէ չէ գիշերը Դաւիթը կըդայ, մնացած երեք կորին էլ կ'աւերի»:

Խեղճ ծերունին առաւօտեան լուսաբացից առաջ մինչեւ աղօթք արեց, վեր կացաւ գնաց, տեսաւ որ արտը փչացրել է: Դաւիթին էլ բազէն ձեռքին, քուռակի վրայ հեծած, եկաւ: Այդտեղ ծերն անիծեց Դաւիթին եւ ասաց. «Դու Աստուծուց բնաւ չե՞ս վախսնում, որ իմ կորեկի վրայ ես բանեցնում քո կարչութիւնը. ես եօթը հոգի ունիմ պահ հելու եւ նոցա համար եօթը կորի կորեկ. չորսը փչացրել ես, մնացել է երեքը: Եթէ, իրաւ, կտրիչ ես, գնա քո հօր կարուածքը յետ առ, որ Ծծմակալ գլխից սկսած մինչեւ Սեղանսարի գօտին է գնում եւ Մսլամէլիքը գրաւել ուտում է: Գնա այն առ. ինչ ես կտրիչ դառել իմ գլխիս»:

— Ծերունի, ասաց Դաւիթը. ինձ մի անիծիր, առ մի բուռն ոսկի եւ քո ապրուսոր հոգացիր: Եւ սպանեց բազէին:

Դաւիթը նոր իմացաւ, որ ինքը շատ բանից զրկուած է եղել մինչեւ հիմայ եւ ասաց. «Քեռի Թորոս, վեր կաց իմ հօր գուրզն ու նետը տուր ինձ. իմ հօր կարուածքը օտարներն ուտում են եւ դուք ինձ ոչնչ չէք ասում»:

Քեռի Թորոսն ելաւ գնաց Ցանվէգու մօտ, ուզեց նորա հօր գուրզն ու նետը: Ցանվէգին չտուեց: Դաւիթը մի անգամ էլ դարձրեց ու ասաց. «Տալիս ես՝ տուր, յես տալիս՝ կը դամ, կը մարմնեմ, գլուխդ՝ կ'երթայ, դիակդ՝ կը մնայ»:

Ցանվէգին վախից տուեց իւր հօր գուրզն ու նետը եւ քեռի Թորոսը բերեց տուեց Դաւիթին:

Սյու գիշեր Դաւիթը քնեց, մի երազ տեսաւ: Երբ որ զարթեցաւ, առաւ քառասուն երինջ ու գնաց սուրբ Մարաթուկի բարձր մատուռը: Երինջները մատաղեց, շատ լաց եղաւ եւ երեսն ի վար աղաչեց Աստուծուն. Աստուած էլ նրան սուրբ Նշան ուղարկեց (Հիմա էլ կայ ս. Նշանը): Նա համբուրեց սուրբ Նշանը, գրեց աջ ծոցը, պահեց, մի սանր էլ ձախ ծոցը պահեց:

Ե.

Մսլամէլիքը լսեց, որ Մբամէլիքի տղէն հասակն առել է եւ վեր է կացել գալիս է իւր վերայ կոփիւ: Իւր կողմից էլ զօրք ժողովեց եւ խօլբաշուն յանձնեց: Սա վեր կացաւ, որ գայ Մարաթուկ Դաւիթի վրայ: Տեսաւ, որ ճանապարհի վրայ կանայք կանգնած, հետաքրքիր նայում են նրան եւ նրա զօրքին: Նա ասաց նոցա. «Ուրախացէք, պար եկէք մինչեւ իմ գալս»:

Նոքա պատասխանեցին. «Մենք ի՞նչ ասենք եւ խաղանք. մենք չգիտենք՝ ի՞նչ ուրախութիւն պէտք է տեսնենք, որ այն ասենք ու երգենք».

Խօլբաշին ասաց. «Անպիտաններ, գուք չէք իմանում, թէ շուտով պէտք է տեսնէք իմ յաղթութեան փառքը. ահա կարճիդ. էլ, երկարիդ էլ սովորեցնեմ, թէ ինչպէս պէտք է գովէք ինձ, երբ ես փառքով վերադառնամ.

Կարճ կնանիք երկան աղան, Երկայնները ուղտեր բառնան. Մեր Խօլբաշին կ'երթայ Սասուն, Ամոլ եզներ բերէ լծան, Կարմիր կովեր բերէ կթան.

Կըգայ գարուն, կըգայ եւ մենք

Իւղ ու չորթան շատ կըշինենք:

Մէկ էլ տեսաւ, որ կամայթ մկան այդ երգել եւ խաղալ, իսկ ինքն առաւ զօրքն ու եկաւ մտաւ Մարաթուկի բակը, լցրեց:

* *

Այդ Մարաթուկի քահանայի աղջիկը Դաւթի հարմացուն էր, նա եկաւ լուր բերեց Դաւթին եւ ասաց. «Դաւթի, գլխիդ արեւիդ մատաղ, վեր կաց, տես, ո՞րքան զօրք է մտել բակի մէջ. անթիւ զօրք է»: Աղջիկն ասաց ու գնաց եւ յետեւկց դրան փակը քաշեց, որ ոչ ոք չիմանայ իւր արածը:

Դաւթիթը թռաւ ելաւ, կանչեց. «Եա, հաց գինի, Տէր կենդանի», եւ զօրքի մարդերին բռնեց, գլխները մարմնեց, ամենի դիակը գցեց պարապից դուրս, գլուխը մնաց բակի մէջ, Խօլբաշուն էլ բռնեց, նրա ատամները հանեց եւ շարեց ճակատին եւ նիզակն էլ շան խառանի պէս շինելով՝ կախեց վզից, ինչպէս որ շան վզիցն են կապում եւ ասաց. «Դէ՛չ գնա, լուր տուր Մալամէլիքին, թէ էլի մարդ ունի թռղ ժողովէ իւր կշտին, հիմա ես եմ գալիս նրա դէմ»:

Խօլբաշին այսպէս խայտառակուած էլի այն կանանց միջով անցաւ, որոնք իրանց խաղն ու խնդումը շարունակում էին: Բայց երբ որ նրան տեսան՝ նրանցից մէկը վերկացաւ եւ ասաց.

«Խօլբաշի, Խօլբաշի ջան,

Մեղնից գնացիր քանց գայլ գազան,

Հիմի եկար քանց շուն վազան.

Վիզդ է նիզակ քանց շան խառան,

Բերանդ է քաց քանց պատուհան,

Բերնիդ վրփուրն, ասես թէ թան,

Ճանճեր ունի շարան-շարան»:

Խօլբաշուն եղը որ եկաւ՝ պատասխանեց.

«Տօ, անզգամ, լեզուդ կտրիր, Հէնց գիտեմ թէ Սասուն դաշտ ու գուրան էր, Զիմացայ թէ քարբարոտ ու կապան էր.

Սյնտեղ մարդիկ չեն, այլ գեւի զաւակներ, Նետեր ունին քան ձիթահանքի գերաններ,

Մէկ որ խփեն՝ ճեղք կըձղեն-պատուհան.

Ինչ մարդ տարայ, դիվ էլ եղան հոգեհան: Գարուն՝ որ ջուր ուռչի, դառնայ մեծ հեղեղ՝

Մեծ ու պստիկ շատ կըժողուէ միատեղ —

Այն ժամանակ ձեզ շատ շինէք չորթան, եղ:

Այժմ Դաւթիմն ինքը վեր կացաւ եւ գնաց Մալամէլիքի վրայ, այն ժամանակ եկաւ, երբ որ նա արդէն ահագին զօրք ժողովել, նստել էր Սեղանասարի գօտու վրայ, զօրքը բազմաթիւ սպիտակ վրանների մէջ էր զետեղուած. նոցա մէջ ամենից մեծն ու երեւելին մէջ տեղի կարմիր վրանն էր: Ուաւիթն ասաց. «Ուստ եմ գնում, որ մինչեւ կարմիր վրանի տակ եօթն օր բրնձի փլաւ չուտեմ, կոխւ չանեմ»:

Եւ այս ասելով՝ այդտեղից պտըտեց, արեւպատի կողմից համարձակ յարձակուեցաւ. եկաւ եւ վրանի դէմուզէմ կանգնեց: Երբ որ այն զօրքը այս ձիաւորին տեսաւ՝ ահի մէջ բռնուեցաւ եւ վախեցաւ: Մէլիքը հարցրեց. «Դու ինչ մարդ ես»:

— Ես արեւպըտոց թագաւորի տղէն եմ, ասաց Դաւթիթը, ձեզ օգնելու եմ եկել:

Մէլիքը վրան զարկեց՝ եօթն օր միասին հաց կերան. ութերորդ օրը ելաւ Դաւթիթն իւր ձին հեծաւ. երկու անգամ յետ ու առաջ չափ ձգեց, գնաց եկաւ, ասաց. «Վեր

կաց, ես եկել եմ քեզ հետ կոխւանելու. մինչեւ Երբ պէտք
է իմ հօր կալուածքը ուտես»:

Մոլամէլիքը նոր իմացաւ, թէ ում հետ կերուխում
արեց, գլուխը շարժեց եւ հրամայեց զօրքին, որ ոտքի կանգնի:

* *

Կոխւն սկսեցին: Դաւիթն իւր կարձ աղօթքն ասեց.
«Հայն ու գինի, Տէր կենդանի»:

Այս ժամին թորոսն էլ հասաւ: Նա լսել է սոցա կոխ-
ւը, մէկ բարտի ծառ քոքեհան է արել, ուսին է դրել եւ
գալիս է: Եկաւ ու կանգնեց ձորի գլխին, իսկ նոքա ձորի
մէջ կոխւ են անում: Եթէ մէկը փախչել է ուզում եւ վեր
է բարձրանում, Դաւիթը գոռում է, «Քեռի թորոս, դու
ձորիր, ես ձորթափեմ»: Շատին ջարդեցին, շատին կոտորե-
ցին, զօրքը նուազեց:

Այս վերջին զօրքի մէջ տրտունջ ծագեցաւ. ոտքի
կանգնեցին եւ բողոքեցին. «Եթէ գուք բաջեր էք, դուք
պէտք է միայն երկուսովդ մենամարտէք, եւ յաղթութիւնը
յաղթողին լինի»:

Երկու եղբայրները համոզուեցան այս խօսքով, տեսան
որ մարդկանց իզուր կոտորում են: Եկան, կանգնեցին մէջ-
տեղը. մէկն ասում է՝ «Դու նստիր, ես զարկեմ»: միւսն ա-
սում է՝ «Զէ, դու նստիր»: Վերջապէս համաձայնուեցան,
որ փոքր եղբայրը, Դաւիթը նստի:

Դաւիթը քաշեց վահանը գլխի վրայ, բռնեց Սուրբ
Նշանը վահանի տակ ու նստաւ: Մոլամէլիքը երեք ժամի
ճանապարհ հեռացաւ եւ այնտեղից շտապով եկաւ, զարկեց
մի գուրզ ու ասաց. «Հող ես, հող դառնաս»: Իսկ Դաւիթը
պատասխանեց. «Հաւատամ, խոստովանիմ, բարձր Մարտ-

թուկի Ա. Նշան, քեզ պէս զօրաւոր պաշտպանի տակ ես
այնպէս եմ, իբրթէ կանաչ —կարմիր վրանի տակ նստած՝
հանգիստ բրնձի վլաւ եմ ուտում»: Մոլամէլիքն այսպէս
երեք անգամ գնաց եկաւ, զարկեց ու ասաց. «Հող ես, հող
գառնաս»: Դաւիթն էլ երեք անգամ իւրը պատասխանեց:

* *

Այս անգամ նստելու կարգը Մոլամէլիքին եկաւ, բայց
նա յամառեցաւ, կանգնեց եւ չուզեց նստիլ: Բոլոր զօրքը
մեղադրեց նրան, թէ անօրէն է վարւոմ, այնպէս որ ամօ-
թից վերջապէս եկաւ, վահանը բռնեց գլխին եւ նստաւ:
Այս միջոցին Մոլամէլիքի մայրը Դաւիթին զրպարտել ուզեց
եւ ասաց. «Դաւիթ, գլխիդ արեւիդ-մատաղ, չէ՞ որ դա քս
եղբայրն է. մի զարկիր, մեղք է»: Դաւիթի սիրտը շատ խո-
ցուեցաւ եւ պատասխանեց. «Այս անօրէն, ինչու մինչեւ հի-
մա չէիր ասում, թէ քո եղբայրն է, երբ սա էր ինձ զար-
կում: Բայց թող քո խօսը լինի. ես պէտք է երեք անգամ
զարկի՝ մէկ հարուածը նուիրում եմ Աստուծուն, մէկը
բաշխում եմ քեզ, որ նրա մայրն ես. իսկ իմ բաժին միայն
երրորդը պիտի զարկեմ,—կամ մեռնի կամ մնայ»:

Գնաց եկաւ Դաւիթն եւ իւր գուրզն այնպէս զարկեց,
որ Մոլամէլիքին եօթն գազ գետինն իջեցրեց: Եւ Մուսուլին
տիրելով՝ նստեց թագաւորական գահը:

Դա մնայ այդ տեղ:

¶.

Դաւիթի քաջութիւնների համբաւը ամեն տեղ տարա-
ծուեցաւ: Կաղզուանի ամիրան մի աննման աղջիկ ունէր,
անունը Խանդուդ խանում: Սա էլ լսելով Դաւիթի քաջա-

գործութիւնները, շատ ոսկի, արծաթ տուեց մէկ աշուղի եւ ասաց. «Դնա, իմ գովասանքն արա Դաւթին. ասա որ շատ իշխաններ են ուզում ինձ առնել, բայց միայն Դաւթին եմ ընտրել, նա պէտք է լինի իմ ամուսին. եթէ քո խաղը նրա սիրու գրաւէ եւ նա գայ ու մենք իրար առնենք, այս ոսկին ու արծաթը քեզ վարձ լինի»:

Աշուղն առաւ իւր գամբուռը, ոսկու, արծաթի լարեր քաշեց վրէն, գնաց Սասուն իւր աննման խանումի գովը հոչակելու։ Եկաւ, բարձրացաւ Յանվէգու բերդը, կարծելով թէ Դաւթին այն տեղ է նստած։ Նստաւ եւ երգեց Յանվէգունի խանումի գեղեցկութիւնն ու իմաստութիւնը։

Յանվէգին այս լսելով՝ բարկացաւ եւ իւր պահապաններին հրամայեց. «Տղայք, վեր կացէք, ծեծեցէք սրան եւ դուրս արէք. դա եկել է, որ իմ եղբօրը խարէ, տանէ»։

Խեղճ աշուղին ծեծեցին եւ տարան, ձգեցին ճանապարհի վրայ։ Երեկոյեան հոտաղներն իրանց եղները հեծած՝ գիւղն էին գալիս։ Անցնելով այդտեղից, ուր աշուղն էր ձգուած, մէկի եղը խրտնեց եւ վրայի նստողը վայր ընկաւ։ Նրան որոնելով՝ գտան եւ աշուղին։ Աշուղը լաց եղաւ, աղաչեց, որ օգնեն եւ հարցրեց. «Այդ բերդի մէջ նստողն ովէ է»։ Նրանք պատասխաննեցին. «Դա Յանվէգին է, իսկ նրա եղբայր Դաւթիթը այդտեղ չէ, այլ Մուսուլումն է»։

Աշուղը ոսկի հանեց, տուեց այդ հօտաղներին. նոքա ժողովեցին նրա դամբուռի կտորտանքը, տուեցին իրան եւ ճանապարհը ցոյց տուին։

Աշուղը գնաց Մուսուլ եւ Խանդուդ խանումի սիրու յայտնեց Դաւթին. Դաւթիթը երկար լսեց նրա խաղը, շատ հաւանեց խանումի գովը, շատ պարգեւ տուեց աշուղին եւ ասաց. «Դու գնա, ես կըգամ»։

Աշուղը դարձաւ, բոլորը պատմեց խանումին։

Դաւթիթը Մուսուլից ճանապարհ ընկաւ եւ ուղղակի եկաւ. Սասուն եւ այնտեղից ծծմակայ քիթը, ուր ճանապարհի վրայ մի գութան տեսաւ, արձակեց գութանի տաւարը եւ մէկ կողմ քշեց. իսկ ինքը շղթան ձեռքն առնելով՝ նստաւ ձին։ Այս կողմից քաշում էր գութանը՝ հանում էր լերան գլուխը եւ այն կողմից քաշում՝ վայր էր բերում ցած։ Եւ այսպէս Սեւ սարից գլխիվայր եկաւ մինչեւ Մառնիկ գիւղի գլուխը։ Եկաւ տեսաւ, որ մի գոմէշ տղմից դուրս եկաւ եւ կանգնեց առաջը։ Դաւթիթը, որ ամենեւին այդպիսի բան չէր տեսել՝ գուրզը ուզգեց, որ զարկի գոմշին։

Այն կողմից մի հօտաղ դուրս եկաւ, որ գոմշին հայհոյում էր։ Դաւթիթը, կարծելով, թէ նա իրան է հայհոյում, ասաց. «Ո՞րդի, քեզ ի՞նչ եմ արել, որ ինձ հայհոյում ես»։

—Քեզ հետ ովէ է, եղբայր, պատասխանեց հօտաղը. դու Սասունոյ գժերից հօ չես, որ աշխարհը չես տեսել. ես իմ գոմշին եմ հայհոյում։

«Ո՞րդի, ինչու ես նեղանում. ամօթ բան է միթէ. ես այդպիսի բան չեմ տեսել. մեղանում այդպիսի բանին չեն հայհոյում։ Դրանից շատ կայ ձեր երկրում»։

Եւ նա ասաց. «Արի, քեզ ցոյց տամ»։

Գնացին գաշուր, ուր մի գութան էին լծել գոմէշներով եւ քաշում էին։ Դաւթիթը տեսաւ, որ գոմէշները տապից լեզուները դուրս են հանել ու գութան են քաշում։ Խղճաց նոցա, արձակեց գոմէշներն եւ տարաւ, լցրեց լիճը. իսկ մաճկալն անիծեց նրան։

«Մաճկալ, ասաց Դաւթիթը, ինձ մի անիծիր, այդ գութանի շղթան ինձ տուր»։ Բոնեց շղթան, մաճկալը կանգնեց վրան եւ Դաւթիթը քաշեց գութանը իննը պատոյտ տարաւ, բերաւ։

«Այդ քո հնարը չէ, ասաց մաճկալը, իջիր ձիուց եւ ապա քաշիր, տեսնենք քո շնորհըն է, թէ ձիունը»։ Դաւթի-

Թը ձիուց իջաւ, տասը պլոյոյտ էլ քաշեց առանց ձիու:
Սյս անդամ մաճկալն ասաց. «Դաւիթ, քեզ մատաղ լինիմ: Կէս օր է, նստիր, հաց կեր եւ այնպէս գնա»:
— Զէ, կերթամ, ասաց նա, թող ձեր տղայբը հաց ու-
տեն. եթէ ես ուտեմ՝ նոդա էլ բան իի մնայ:

Վերջապէս նստաւ, եւ երթ որ հաց դրեցին, Դաւիթը
քոլոր հացերը ժողովեց եւ միանգամից բերանը դրեց:

Հօտաղի բերանը բաց մնաց ու ասաց՝ «Եաման, վեր կացէք, փախէք, թէ չէ՝ դա մարդ էլ կուտէ»:

Դաւիթին ասաց, «Գութան քաշողն, իհարկէ, հաց կ'ուտէ, հապա ի՞նչ կ'անէ»։ Եւ այդտեղից ճանապարհ ընկնելով գնաց խանդուգ խանումին։

۲۷

Պաւիթը գնաց-հասաւ Խանդուդ խանումի պալատի դուռը: Այդ այն պալատն է, ուր որ խանումի ուղղները գալիս են, իծեւանում են: Դռանը միշտ կանգնած է մի մարդ, որ ձեռին թոփուզ ունի: Գաւիթը հարցրեց նրանից:
«Ա, տղայ, անոնդ բնէ է»:

— Իմ անունս Գորգիզ է, պատասխանեց նա: «Գորգիզ, ես Դարիթն եմ, եկել եմ Խանդուղ խանումին ուղելու, քեզ շատ հաւանեցի, եւ երբ որ խանումին առնեմ, քեզ էլ ինձ քաւոր կ'անեմ»: Գորգիզը գլուխը շարժեց եւ ասաց. «Ուր է՝ որ մեր աննման խանումը մարդուղէ. շատ քաջ մարդիկ են գալիս նրա ձեռքը ինդրելու, քայլ ոչ որին չէ հաւանում, եւ միշտ առում է, թէ իմ սրտի ու զածը ուղիղն է»:

Գառիթը հարցրեց. «Փորգիզ, ով կայ ներօլ»:
— Նըրդան-Խորաստական եւ Հըմզայ-Լոռայ մեծանուն
իշխանների հարսնախօսներն են եկել, ասաց Փորգիզը:

«Եմ ձին դու քաշիր, կապիր, ասաց նրան Դաւիթը։
Դորգիզը քաշեց, կապեց։
Յետոյ Դաւիթը հարցրեց. «Այդ ի՞նչ թոփուղ է, որ
տուել են քո ձեռքդ, տուր տեսնեմ»։ Եւ ձեռքից թոփուղն
առնելով՝ ձգեց, որ մինչեւ այսօր դեռ էլի անվերջ գնում է։
Դորգիզը նոր իմացաւ, թէ ինչ մարդու է պատահել։
Դաւիթն ասաց. Քաւոր Դորգիզ, այժմ ներս գնանք,
կեր ու խում անենք։
Ներս գնացին, ուր որ հարսնախօսները նստած էին։
Դաւիթը նստաւ. յոգնած էր եւ քաղցած։ Այն մարդիկն ի-
մանալով՝ թէ Դաւիթն ով է եւ թէ ինչու է եկել՝ ուղեցին
նրան քնացնել եւ սպանել։ Նոքա վերցնում էին մէկ-մէկ
կիթղայ գինի եւ Դաւիթն էին տալիս. Դաւիթի ծարաւը չէր
կոտրում, վերջապէս էլ չհամբերելով՝ մի անգամից վերցրեց
գինու տաշտը եւ բոլորը խմեց ու ասաց. «Իէ հիմի ասա-
ցէք՝ անուշ լինի»։

Բայց գինին Դաւթի գլուխն ընկաւ եւ նրան տարաւ։
Երբ որ Դաւիթն այսպէս է լինում եւ գինուց գլուխը խո-
նարհեցնում ու դնում է գետնի վրայ, այն մարդիկը հա-
նում են իրանց թրերը, որ զարկեն, իսկ երբ որ Դաւիթը
գլուխը վեր է բարձրացնում, նոքա թրերը դնում են ծընկ-
ների տակ։ Միանգամ էլ որ այս կրկնուեցաւ՝ քաւոր Գոր-
գիղը կանչեց. «Սանահայր Դաւիթ, այստեղո վնաստան է,
Արաստան չէ»։

Դասիթը երբ որ այս լսեց, կանչեց. «Նուտ արա, դուռը քոնիր» :

Բայց մինչեւ Գորգիզը դուռը կըփակէր, այդ մարդիկն ելան, վախսան, մէկ-մէկ ապտակ էլ տալով Գորգիզին:

Որ զարթեցաւ Դաւիթը, կանչեց Գորգիզին եւ հիմի հարցրեց. «Խանումին որտեղ տեսնենք»:

— Դարպասի բախչի մէջ, ասաց Գորգիզը. այսօր կիրակի է, նա այնտեղ կը լինի. քսան նաժիշտներ նրա առաջից կը լինին եւ քսանն յետեւից. գնանք հեռուից տեսնելու:

Սովորութիւնն այնպէս է, որ Դաւիթն առաջ հօրը պէտք է տեսել էր. բայց նա ու Գորգիզը գնացին, կապարտիզի պատին եւ կանգնեցան: Նաժիշտները մէկ-մէկ եկան եւ անցան. եկաւ եւ Խանդումը: Դաւիթը չհամբերեց մինչեւ հօր տեսութեանը, ձեռքը ձգեց խանումի վզին եւ երեք համբոյր առաւ նրանից. Խանումը այս անգամ ոչինչ չխօսեցաւ. գիտէր որ իւր Դաւիթն է: Բայց Դաւիթը չորրորդեց համբոյրը: Այս անգամ Խանդումը բունեց Դաւիթի փողպատը, զարկեց նրան պատին եւ Դաւիթի քմից արիւն վագեց:

Դաւիթը ամեն տեսակ ցաւի կսկիծը կը տանէր, բայց նրա սիրտը շատ խոցուեցաւ, որ մէկ կին այսպէս անպատիւ արեց իրան: Սաստիկ բարկացաւ եւ այդտեղից դարձաւ, որ ձի նստէ. ուխտեց իւր ս. Նշանին եւ ասաց. «Քաւո՞ր Գորգիզ, քաշիր ձիս, որ այս քաղաքն աւերեմ»:

Գորգիզը աղաչելով ասաց. Աստուած սիրես, հիմա թող մնայ, մութն է. լուսին վեր կաց, աւերիր, գնա»:

Դաւիթը թէեւ համբերեց, բայց մահմի մէջ պառկած ժամանակ բարկութիւնից չէր կարողանում քնել. սպասում էր, թէ երբ պէտք է լուսանայ, որ այս քաղաքն աւերէ եւ գնայ:

* * *

Իսկ Խանդումը գեռ էլի պարտիզի մէջ քոսնում էր. կաղ նաժիշտն եկաւ եւ ասաց. «Խոնչ սեւ ժամին ես զբոսնում. աշա Դաւիթը պատրաստում է քո պապական քաղաքն աւերել եւ գնալ»:

Գնացին հագնուեցան, կապեցին իրանց բոխչէն, քոլ

ծածկեցին եւ դարձան. եւ ուղղակի եկան իջեւանի դուռը ծեծեցին, որ բանան:

Դաւիթը, որ նոր անոյշ քուն էր մտել, ասաց. «Ուհի, ուհի, ինչ անամօթ են այս քաղաքացիք, մինչեւ առաւօտ չեն համբերում, ասում են՝ ել, աւիրիր եւ գնա»:

Գորգիզն դուրս եկաւ ահով պատշգամբը. բայց երբ որ եկողներին տեսաւ, հանդարտուեցաւ եւ ասաց. «Եկողներից վնաս չկայ, նոքա քոսն են»: Դաւիթը հասկացաւ, որ եկողները կանայք են: Դուռը բացին:

Խանդումն եկաւ իւր նաժիշտներով Դաւիթի մօտ եւ խօսեցաւ. «Դաւիթ, ասում են, որ դու բարկացել ես իմ վրայ, որ ես քեզ անպատուեցի: Բայց գիտես, թէ ինչո՞ւ անպատուեցի: Դաւիթ, դու ինձանից մի համբոյր առար ուխտած ճանապարհիդ համար, մէկն էլ առար քեզ համար, որ կտրիչ ես, երրորդն էլ՝ Աստուծոյ սիրոյն համար: Աւելի պագը ինչ բանի համար առար: Եթէ դու քո հօր կտրիչն ես, ես էլ իմ հօր կտրիչն եմ: Ասած է՝ աղջկան ազատիք եղիդիների ձեռքիցն, որ տղին աօեմ՝ թէ տղայ-մարդ է: Դու որ ինձանից աւելի պագ ես առնում՝ միթէ Շոքրդան-Խորասական եւ Լուայ-Հըմզայ հսկաների գլուխն արդէն բերել ես ինձ, որոնց հարսնախօսները միշտ գալիս են մեր տունը եւ ձանձրացնում են ինձ»:

Դաւիթն այս խօսքերից կակլեցաւ եւ ասաց. «Եթէ այդպէս է, լուսաբացին ես կերթամ, նոյց գլուխը կը բերեմ քեզը ես ասացի եւ կերթամ: բայց եթէ բախտս այնպէս կտրէ, որ նոքա ինձ յաղթեն եւ սպանեն, դու, եթէ սիրում ես քո Աստուծուն, արի իմ դիակը վինտուիր, աջ թեւկս վերայ կայ մի մսէ խաչ. այս նշանով ճանաչիր, վեր առ, բեր թաղիր, բայց մի թող, որ նոքա այնտեղ անպատուեն մարմինն»:

Դաւիթը ճանապարհ ընկաւ գնաց:

Նատ գնաց, քիչ գնաց, այն հսկաների աշխարհքին մօտեցաւ։ Հսկաները տեսան, որ այնտեղից մի ձիաւոր է գալիս, ձիաւորի թռողը երկինք է հասնում։ Ասացին։ «Սյդ ձիաւորը կոռուի համար է գալիս, միայն թէ չլինի, որ դա Արգոյի ճորտերիցն է»։

Երբ որ ձիաւորը մօտեցաւ, նորա կանչեցին։ «Այ մարդ, ով ես դու եւ որտեղից ես գալիս»։ Նա պատասխան չտուց եւ էլի մօտեցաւ։ Նորա էլի հարցրին։ «Արգեօք Խանդուդ խանումին չես ճանաչում, չես կարող այս մատանին նրան հասցնել»։

— Լաւ ճանաչում եմ, պատասխանեց Դաւիթը, բայց ես ոչ թէ ձեր մատանին տանելու եմ եկել այլ ձեր գլխը ները պէտք է տանեմ նրան։

Դաւիթը տեսաւ, ինչ հրէշներ տեսաւ, այդ Նըբրդան-Խորասականի վերին շուրթը այնքան էր կախուել, որ եկել, հասել էր սրտի վրայ, ուստի եւ չանգալով տարել էր թիւկունքի վրայ կապել։ իսկ միւս հսկայի—Լոռայ—Նըմզայի ներքեւի շուրթը գետինն էր աւելում։

Դաւիթն ու այդ երկու հրէշները իրար առան գուրգ ու վահանով եւ կրուեցին մի օր մինչեւ երեկոյ։ Դաւիթը կանչեց։ «Եա, հաւատամ, խոստովանիմ, ով բարձր Մարաթուկի սուրբ նշան, Յիսուս որդի, դու օգնական», եւ զարկելով երկուսի գլխներն եւս կտրեց, իրանց մազերով մէկ-մէկու կապեց եւ խուրջինի նման ձիու գաւակին ձգեց։ իսկ նոցա կախ ընկած լեզուները գետինը վարում էին, կարծես գութանն է ակօսներ քաշել։

Սյդպէս գլուխները բերելով, ճանապարհի կէմն եկաւ։ Տեսաւ, որ դիմացի կողմից մի ձիաւոր է գալիս երկնքի եւ գետինի մէջ կրակ թափելով, եւ ձայն տուեց Դաւիթին։ Եյ, քանի դեռ ժամանակ ունիս, պատրաստուիր։ Մտքիդ. չանցնես, թէ այժմ Նըբրդան-Խորասական, Լոռայ-Նըմզայ հըս-

կաների պէսին ես պատահել»։ Ասաց եւ անցաւ Դաւիթը թիւկուն ու մի գուրզ զարկեց։ Դաւիթը ճարպիկութեամբ ծռուեցաւ, մի ոտքը հանեց ասպանդակից։ գուրզը դիպաւ ձիու ասպանդակին, առաւ տարաւ գետին։

Դաւիթը մէկ անգամ էլ շիտկուեցաւ թամբի վրայ, ասաց. «Եա, հայ ու գինի, ծէր կենդանին։ Գուրզը տարաւ որ գլխին տայ, բայց դիմացի կոռուողը կուն եկաւ, ծամերը թափեց նրա առաջ։

Դաւիթը տեսաւ եւ ճանաչեց, որ Խանդուդ խանումն էր, որ մարդի պէս վոխուած, դուրս էր եկել նրա գէմ։

Դաւիթն ասաց. «Այ չար անզգամ, միրտս ասում է, որ մի գուրզ զարկեմ, քեզ գետինի տակ տանեմ։ Երկրորդ անգամն է, որ ինձ խայտառակում ես»։

Բայց Դաւիթն այն Դաւիթն էր, Խանդուդն էլ իւր սիրած խանումն էր։ Մէկ-մէկի առան եւ դարձան եկան Խանդուդի քաղաքը. կանչեցին Խանդուդի հօրը եւ Դաւիթն ասաց. «Քո աղջիկը չես տալ ինձ»։

Հայրն ասաց. «Թէ կառնես եւ կը մնաս այստեղ, կը տամ։ իսկ թէ պիտի առնես գնաս, չեմ տալ»։

— Կառնեմ, կը մնամ այստեղ եւ չեմ տանիլ, ասաց Դաւիթը։

Այս խօսքը երբ որ առան՝ բերեցին տուեցին. նոցա պսակն արեցին ու եօթն օր, եօթը գիշեր հարսանիք կատարեցին։

¶.

Հարսանիքից մի ժամանակ որ անցաւ՝ Աստուած նոցա մի տղայ տուեց։

Դաւիթը տանը չէր։ Երբ որ նրան իմաց արին՝ այն-պէս ուրախացաւ, որ չէր էլ ուզում հաւատալ, թէ այդպէս բախտաւորուել է։ Եկաւ եւ Խանդուդ խանումին ասաց. «Թէ

որ այդ տղան իմն է, նրա վրայ մի նշան, մի զօրութիւն պիտի լինի»։ Ասաց եւ գնաց, մինչեւ որ պատասխան տանեն նրան.

Բերեցին տղային խանձարուր գրեցին եւ կապերի փոխանակ գութանի շղթայով փաթաթեցին տղային։ Երբ որ տղան լաց եղաւ եւ ձգձգուեցաւ օրօրոցի մէջ, նրա վրայի շղթան կտոր կտոր եղաւ։ Պատասխան գնաց Դաւթին՝ թէ տղան լաւ տղայ է, շղթան կտրտեց. միայն մի ձեռքը արատաւոր է, խուփ արած է, եւ ոչ ոք չի կարողանում բանալ նրա ձեռքը։

Եկաւ Դաւիթը՝ նստեց եւ մանկան ձեռքը այնքան մաժեց, մինչեւ որ բացեց. տեսաւ որ ձեռքի մէջ արեան նիշ կար, ասաց. «Հայ-հայ, աշխարհը մի կաթիլ արիւն է արել, դրել իւր ձեռքի մէջ։ Եթէ դա ողջ մնայ, զարմանալի բաներ պիտի դուրս գայ նրանից։

Բերեցին կնքեցին եւ անունը գրեցին Մհեր։

* * *

Անցաւ մի ժամանակ. տղան մեծացաւ։ Դաւիթը թողեց տղային Կաղզուան իւր պապի եւ մեծի մօտ, իսկ ինքը Խանդուդ խանումին առաւ, ճանապարհ ընկաւ, որ տանի Սասուն ու իւր ազգականներին ցոյց տայ, եւ այնտեղ էլ հարանիքը տօնէ։

Բայց ճանապարհին շատ թշնամի ազգեր կային, նոցա հետ պէտք է կռուէին։ Այսպէս օրինակ՝ Խլաթցիք զօրք ժողովեցին ու պարիսալ կապեցին Դաւիթի դէմ եւ սայլերով պատուար շինեցին՝ կռիւ սկսեցին։ Բայց միայն Դաւիթը չէր նոցա դէմ։ Խանդուդը մզրախի կոթով զարկում էր, պարիսալը քանդում եւ սայլերը ձգում էր երկու ժամ ճանապարհի հեռաւորութեամբ. իսկ Դաւիթը կոտորում էր զօրքը եւ գնում էր առաջ։

Դաւիթը դարձաւ առաջ. «Խլաթցիք, դուք ի՞նչ անպատճառ մարդ էք, որ մի հարսի դէմ էք կռւում։ թէ պատիւ

կայ ձեր մէջ՝ թողէք հարսս տանեմ Սասուն, յետոյ գամ եւ կռուենք։

Նոքա թէեւ ամաչեցան, բայց չհաւատացին։ «Որ այդպէս է, ասացին, ուրեմն երդուկիր քո ծոցի Սուրբ Նշանով, որ հաւատանք»։ Դաւիթն էլ ձեռքը տարաւ, որ՝ իւր խելքով, սանդրի վրայ պիտի դնէր ու երդուէր, բայց ձեռքը դիպաւ Սուրբ Նշանին։ Սուրբ Նշանի հնարն ու զօրութիւնն էլ այն էր, որ նրանով երբէք չպէտքէ երդուել էր։

Խլաթցիք ճանապարհ տուին։ Դաւիթն առաւ Խանդուդին ու տարաւ Սասուն բերդը։

Ձեռքը տարաւ ծոցը եւ տեսաւ, որ Սուրբ Նշանն էր ընկել այն կողմը, որի վրայ ինքը երդուել էր, եւ ասաց. «Այսուհետեւ իմ բանը աջուկ չէ, թէ գնամ՝ զուր է եւ թէ չգնամ՝ դարձեալ զուր է։ Բայց որ երդուել եմ, պիտի գնամ։

* * *

Վեր կացաւ, եկաւ կռիւ անելու։ Կռիւն սկսեց, բայց Խլաթցիք նեղը լծեցին. նրա ձին խրուեցաւ մի շամբի տրդմերի մէջ. հազիւ հազ այդ տղմից ազատուելով՝ եկաւ ջրի մէջ լուացուեցաւ, որ ցեխից մաքրուի։

Սյդ ջրի ափի փշերի մէջ մի չար աղջիկ էր կենում, որ ամեն լողացողի վրայ նետ էր արձակում եւ սպանում։

Երբ որ Դաւիթն էլ միամիտ լողանում էր, աղջիկը, դարանամուտ եղած, մի նետ զարկեց նրա թիկունքին։ Դաւիթն զգաց, որ այս զարկը մահաբեր է, կանգնեց, գուաց, ձայնը հասաւ Սասուն։

Դաւիթի ձայնը լսելով՝ Սասուն մէջ մէկ տեղ ժողովեցան՝ Զէնով Ովանը, Խոր Գուսանը, քեռի Թորոսը, Ճնճղափորիկը, Ցանկէգին։ Զէնով Ովանը Սասունից կանչեց. «Դաւիթ, մենք դալիս ենք»։ Եւ շտապով եկան Դաւիթին օգնու-

թեան, որ արդէն ջրի մէջ լսել էր իւր եղբօր ձայնը։ Նոքա հասան ջրի մօտ եւ գտան Դաւթին։

Զէնով Ովան, ասաց Դավիթը, ինձ վիրաւորովը մեր գոռալու ձայնն առնելով, անշուշտ երկիւղից կիսակենդան լնկած կըլինի. գնացէք, նրան գտէք, նրա դատաստանն էլ անեմ, այնպէս մեռնեմ։

Փնտուեցին, գտան, որ մէկ չինի աչքերով աղջիկ է։ Դաւիթը դրա ոտք ոտի վրայ դրեց, քաշեց ծըւտեց։ Երբ որ այդ հրէշ աղջիկն էլ չկար, մարդի՛ եկան այդ կողմերը գիւղ շինեցին, անունը դրին ծըւտիս ծըւտիսն էլ յետոյ դառաւ ծապկիս, եւ այդ գիւղը այդ անունով մինչեւ այսօր կայ։

* *

Դաւիթն իւր սպանողին սպանեց, բայց ինքն էլ մահին էր մօտենում։ Եղբայրներն ու քեռին տասն Դաւթին, գնացին Սասուն։ Չորս օրից յետոյ Դաւիթը մեռաւ։

Եղբայրները մեծ աղմուկով վիրջապէս իրանց մէջ վըճռեցին, թէ Խանդուդին որբան հարսնամաս տան իրանց կալուածքներից եւ գնացին նրան սփոփելու եւ ողջութիւն ասացին։ Խոկ խանումը անմխիթար ասաց. «Հէյ... Դաւթից յետոյ ես սոցա ձեռքին պէտք է նայեմ եւ սրանց առակը պէտք է լինիմ»։

Եղբայրներն եկան մէկ-մէկ եւ ասացին.

«Խանդուդ խանում, քո սեւ սուգը մի հագնիր,

Դաւիթ մեռաւ, ես փոխարէն. ողջ եղիր»։

Խանդուդը երբ որ այս լսեց, ասաց. «Գնացէք դուրս, իմ պատասխանն այնտեղից դուք կը լսէք»։ Նոքա դուրս գնացին, իջան ներքեւ, խոկ ինքը վեր ելաւ բերդի գլուխը եւ այնտեղից մազերը վետելով՝ գետին գլորեց իրան։ Նրա գլուխը դիպաւ մի քարի եւ ծակեց քարը. այդ քարի մէջ

լցնում են Սասուն կէս չափ կորեկ եւ ծեծում են սանդի տեղ։ Խանդուդի եօթնամիւղ ծամի տեղը դեռ մինչեւ այսօր երեւում է։ Եւ այժմ էլ այդ սանդը այն տեղ է, բերդի առաջ։

Թ.

Հաւաքուեցան Դաւթի եղբայրները Խանդուդի վրայ, ձեռք տուեցին ծծերին, տեսան որ կաթ կար, որովհետեւ երեխայ կար։

Ժողովուեցան միասին եւ ասացին. «Դուցէ ինչ որ եղել է, այնտեղ է եղել։ Եւ գնացին հասան Կաղզուան եւ տեղի Նըստողին ասացին. «Մեր եղբօրն ու հարսին այստեղ երեխայ է եղել, ուր է»։

— Ոչինչ չկայ, նոքա պատասխանեցին։

«Մեզ նշան կայ, ասացին Դաւթի եղբարքը. մեր հարսի ծծերում կաթ կար»։

— Մի աղջիկ է եղել նրանից եւ մեռել է, պատասխանեցին միւմները։ Բայց սուտ էին ասում. իրանք գետնի տակին մի այր էին վորել, Մհերին դրել էին այդ այրի մէջ եւ նրա վրայ պահապան էին կարգել։

«Մեր մեռելներին էլ նշան կայ, ասացին Դաւթի եղբայրները. մեր մի տարեկանը մեր կէս հասակն ունի, խոկ երկու տարեկանը երկու, եւ այն»։ Եւ գնալով գերեզմանները նայեցին եւ տեսան, որ իրանց նշանով գերեզման չկայ։

Զէնով Ովանն ասաց. «Կաշիներ բերէք, ինձ փաթաթեցէք, գոռամ, որ մեր տղէն իմանայ»։

* *

Զէնով Ովանն փաթաթեցին կաշինվ եւ նա գոռաց. Մհերը նրա ձայնը ճանաչեց եւ կամենում էր դուրս գալ,

բայց նրա պահապանն ասաց. «Այդ ձեր ազգի ձայնը չէ, այլ երեխայք թմբուկ են զարկում»։ Բայց Մհերը, երբ որ երեք անգամ ձայնը հասկացաւ, դռները կոտրտեց եւ դուրս եկաւ։ Դուռը դռանը կոտրեց. առաջին դռանը քացի զարկելով՝ նա գնաց դիպաւ երկրորդ դռանը, երկրորդն երրորդին, եւ այսպէս եօթը դռներն էլ ջարդեց, դուրս ելաւ։

Տեսաւ, իւր հօրեղբայրներն այդտեղ են, հայրն այդտեղ չէ։ Հարցրեց նրանց եւ իմացաւ, որ խլաթցիք սպանել են նրան։ Լաց եղաւ եւ երեսի վրայ գետինն ընկաւ։ Հօրեղբայրները թափուեցան վրան եւ ինչ որ արեցին, չկարողացան բարձրացնել։ Մհերի արտասուրը գետինը ողողեց եւ գնաց։

Երեք օրից յետոյ հազիւ ուղղուեցաւ Մհերը։ Հեծաւ հօր քուռակը եւ գնաց Խլաթ, քարուքանդ արեց։ Քանի որ այսպէս աւերռում էր, բարձրանում էր Նեմրութի գլուխը. եւ եթէ այնտեղ տեսնում էր, որ մի երդիկից դեռ էլի ծուխ է բարձրանում, միւս անգամ գառնում էր, ջնջում էր։ Ամենից վերջը տեսաւ, որ մի պառաւ էր մնացել, նրան էլ չխնայեց, ասելով. «Թէեւ հոգուս մեղք եմ անում, բայց իմ հօր սպանողի ծուխն ու մուխը պէտք է կտրեմ», եւ կտրեց։

Այդտեղ հրաժեշտ առաւ հօրեղբայրներից. նոքա դարձան իրանց տեղը, իսկ ինքը գնաց Տօսպայ բլուրը. ասում են, որ մինչեւ այժմ էլ այնտեղ է, եւ մինչեւ այժմ նրա ձին տեսնում են, որի վրայ նստած պատրաստ կայ, որ գայ եւ աշխարհը չար լծից աղատէ։

Փ.

Համբարձման գիշերը Մհերի այրի դուռը բացւում է, բայց հրաման չկայ, որ նա դուրս գայ. գետինը նրան չի վերցնի. ոտքերը կը միտին գետին։

Մի օր Համբարձման գիշերը մի նախրորդ տեսնում է,

որ Մհերի դուռը բացւում է. նախրորդը մտնում է ներս։ Մհերը դրանից հարցնում է. «Դուք ի՞նչով էք ուտում աշխարհը»։

Նա էլ պատասխանում է. «Խելքով»։
— Հէյ, հէյ, մէկ էլ ասաց Մհերը, մեր ժամանակ լաւ էր. մենք ուժով էինք վայելում աշխարհի բարութիւնը։ Հիմա նախրորդը հարցրեց. «Մհեր, դու երբ պէտք է դուրս գաս այդ տեղից»։

Նա էլ սրան. «Երբ որ ցորենը լինի սալորի չափ եւ գարին մասուրի չափ եւ ամենայն բան իմ ուժի չափին հասնի, այն ժամանակ միայն հրաման կայ, որ այս վիճակից դուրս գամ»։

Դեռ մինչեւ այժմ աշխարհը Մհերից բաժանուած է մի դռնով։

ՏՈՀՄԱԿԱՆ ԱՂԻԽՍԱԿ

Բաղդադի Խալիֆայ
(կուսակաց)

Գերի աղջիկ
(խաչապաշտ)

1. Կապուտկողի 2. Մուսուլի Արամէլիք Սանասար
թագաւոր. թագաւորի կին

1. աղջիկ

1. Մալամէլիք
2. Ցանլէգի, Զէնով Ովան, Խոր- Կաղզուանի թագաւոր
գուսան, Ճնճղափոքիկ, Դաւիթ.

Խանդուղ

ԺԱՄԱՆԱԿԱԳՐԱԿԱՆ ԱՂԻԽՍԱԿ

ՍԵՆԵՔԵՐԻ Մ՝ Քրիստոսի ծննդից շատ առաջ էր,
կուսակաց էր. այն ժամանակ Հայերն էլ կուսակաց էին.
Ս. Կարապետը չկար:

Բաղդադի Խալիֆները՝ Քրիստոսի ծնունդից յետոյ, ոչ թէ կուսակաց, այլ մահմեդականներ էին:

ՅԱԿԵԼՈՒԱԾՔ

Սուրբ Կարապետ.

Նատ հայեր եօթը շաբաթ պաս են պահում եւ եօթը
տարի շարունակ այդ կրկնում են, որպէսզի Սուրբ Կարա-
պետն իրանց խնդրածը, իրանց մուրագը, կատարէ: Մեր
աշուղները շատ երգեր ունին շինած եւ մեր ժողովրդի
մէջ էլ շատ աւանդութիւններ են պատմում Ս. Կարապետի
մասին: Աչա մի քանի կտոր այդ երգերից եւ աւանդու-
թիւններից:

I

Սուրբ Կարապետ կանգնեց յուսով,
Գետ Յորդանան լցուեց լուսով.
Քրիստոս քո գիրկ մկրտեցին,
Մուրագկատար Սուրբ Կարապետ:

II

Դու ազա ես, դու վեղիր ես,
Ամեն սրբոց գլխաւոր ես,
Մարիամ Կուսին դու քաւոր ես,
Մաքուր քաւոր Ս. Կարապետ:

III

Սուրբ Կարապետ գլխատեցին,
Հայսար քաղեն որ Հանեցին,
Մարմին զաթրին որ քարձեցին,
Մշու սարի մէջ թաղեցին:

Սուրբ Կարապետի գերեզմանի վրայ Լուսաւորիչը մէ
եկեղեցի կանգնեցրեց, որ Հայերի մեծ ուխտատեղի է:—
Ուխտաւորը հեռուից տեսնում է անտառախիտ մի լեռ,
որ կարծես թէ մի մեծ գլուխ է մազերով. դա է «Մշու-
ծամը», որի վրայ եկեղեցին է շինած:

Զորս բոլորը մեծ դաշտ է,
Զորս բոլորը չայու ցեղ է,
Բարձր գմբէթն անոյշ տեղ է:

Երբ որ «Մշու ծամը», ամպեր կանգնած, մառախու-
ղով է ծածկւում, Ս. Կարապետը դիւան է անում. ամենի
դարդին դարման ու դեղ է անում:

Ս. Կարապետ բարձր է բոլոր,
ճամպէք ունի ոլոր-մոլոր,
Կերթայ կը գայ շատ ուխտաւոր,
թէ ձիաւոր, թէ ոտաւոր:
Մուրազ կըտայ ոտաւորին,
Զուղար կըտայ ձիաւորին:

Խցեր ունի անթիւ, անդար,
Միշտ անպակաս մէջը հիւրեր.
Խնաղբիւրն է անմահական,
Տակի ջաղացք խիստ հրաշական,
Փուռըն օջախ Ս. Կարապտի,
Միահատիկ սաղ աշխարհին:

Ս. Կարապետը բոլոր գեւերին յաղթեց եւ ծառայ շինեց:
Կաղ դեւն ամենայն օր վառուան կրակների մոխիրը շալակում
է եւ գետնի տակով տանում: Հեռու թափում այնտեղ, ուր
որ Փրէբաթման անունով մեծ ըլուր է ձեւացրել: Այդ կաղն
է Ս. Կարապետի փոշեհան, մինչեւ Քրիստոս գայ դատաստան:

Աշխարհ ժողվան, եկան քո տես,
Լոյս կը փայլէր քո սուրբ երես.
Ամեն աղքատ մարդու տէր ես,
Դարդի դարման Ս. Կարապետ.
Ծառայ կ'լնեմ քո շնորհին,
Շնորհը տուող ամեն աշղին,
Մուրազատու Ս. Կարապետ:

Երգ շինականաց *)

Լուսնակն անուշ, հովն անուշ,
Նինականի քունն անուշ.
Ծագեց Լուսնակն երկընուց,
Հովեկ փողն էր անուշ.
Հոտաղն եղներ կ'արածէ.
Մաճկալ պառկեր, քունն անուշ.
Զըղզըղուն քամին կըփըէ,
Ծովային հովն էր անուշ.
Դաշտեր ձորեր մընջեր են,
Ձրեր գլգլան՝ ձէնն անուշ.
Հաւքեր թառան իրենց բուն,
Բըլբուլի տաղն էր անուշ.
Անմահական հոտ բուրէր,
Քեաֆուր վարդի հոտն անուշ:

*) Այս երգը արտատպում ենք «Նահապետական և Հայրենի Աշխարհից», որով միանգամ ընդ միշտ յայտնում ենք, թէ այնտեղ շատ կան այնպիսի դիւրըմբունելի յօդուածներ, որոնք կարող են եր-
կրորդ տարեշրջանում ևս կարդացուիլ, եթէ ուսուցիչը այդ հարկաւոր համարէ և չբաւականանայ այստեղ մատուցած նիւթի քանակութեամբ:

Նաւակոծեալը Վանայ ծովի մէջ.

Նաւով Աղթամարայ ելանք,
Դէպ Աւանուց ճամբան ընկանք.
Ոստանայ դէմ երբ մենք հասանք,
Սեւ օրուայ սեւ արեւ տեսանք:
Թուխ ամպեր երկինք պատեցին,
Աստղ ու լուսնակը ծածկեցին,
Պինդ - պինդ քամիներ փեցին,
Ափ ցամաք աչքէս խլեցին:
Գոռաց երկինք, գոռաց գետին,
Խռովեցաւ ջուր կապուտ ծովին,
Չորս կողմից կրակտեց երկին,
Սեւ սարսափ իջաւ իմ սրտին:
Երկինք կայ՝ գետին չերեւայ,
Գետին կայ՝ երկինք չերեւայ.
Սարի պէս ալիքներ կըգայ,
Խոր անդունդ առջեւս կըբանայ:
Ծով, գու թէ Աստուած կըսիրես,
Խեղճ անճարիս մի գութ անես,
Խնձ քաղցր արեւէս չհանես,
Քարէսիրտ մաշին չմատնես:
Աման ծովեր, աչեղ ծովեր,
Խնձ մի տանիք պաղի հովեր,
Չեղ կաղաւեն իմ արցունքներ
Ու սրտիս հազար բիւր ցաւեր:
Ծով գազանն իսկի սղորմ չունի,
Պըլած սրտիս ձէնիկ չսի.
Արիւն երակներս կըպաղի,
Սեւ գիշեր աչքերս կիջնի:

Գնացէք, ասէք իմ ծնողին,
Թող նստի լայ իր սեւ որդին.
Թէ Հանէս կուր եղաւ ծովին,
Թռաւ, գընաց արեւ կտըրչին:

Օրիորդիս սեւ օրը.

Էս օր աստղդդ թռաւ, կորաւ,
Լոյս արեւդ խաւարեցաւ.
Մեծ իշխանն քեզ տուել է
Թաթար խանին՝ հետըն տանէ.
Վայ իմ գըլխիս, վայ քեզ, Նուշան,
Գերի գնացիր Թաթարըտան.
Լոյս հաւատքըդ պէտք է մոռնաս,
Մահամմէդի կրօնքին դառնաս:
Խեղճիկ, Էս էլ քո արժանին,
Որ դու լինիս կին Թաթարին.
Գու պէտք էիր լինիլ տիկին,
Տիկնանց տիկին մեծ իշխանին,
Եւ ոչ էսպէս անօրինին:
Զեռը կապած լինիլ գերին:
Վաթսուն տարի եմ ձեր գըրան,
Հէրդ պապերդ են իմ կըուան
Ծընած, սընած, իշխան եղած,
Էսպէս մին ցաւ ես չեմ տեսած.
Ականջդ բաց, լըսէ խրատիս,
Մըտքիդ պահես էս պառաւիս.
Ուր որ գընաս, ինչ տեղ լինիս,
Հաստատ մընաս լոյս հաւատիս:
Զմոռանաս Հայոց ազգիս,

Միշտ հանապազ նորան օգնես:
Ամենայն ժամ միտքըդ ձրգես,
Հայրեննեացդ պիտոյ լինիս:
Է՞ս, Տէր ընդ քեզ, գընաս բարեւ,
Քրիստոս պահէ քո լոյս արեւ:

Տաղ վասն օտարութեան.

Վայրի հաւիկ մի եմ, բռնած ու բերած դրած զիս ի նեղ
զլնդան.
Զուրախանայր սիրտ բաժանելոյս յընկերացս, որ չեմ յիմ
երամ:
Սրտաբեկեալ եմ, միջակոտոր, ճար չունիմ, զինչ լինիմ
գերիս:
Եթէ զբուզբուլն ու տատրակ բերեն ինձ երգասաց գուսան,
չուրախանամ:
Եթէ հազար գոյնզգոյն վետուրներ ինձ բերեն խալաթ
տան, չուրախանամ:
Եթէ զշաքարն ի Մազածու բերեն, կերակուր ինձ տան,
չուրախանամ:
Եթէ հազար թախտի հուքմն ինձ տան ու հարիւր հազարի
տէր առնեն, չուրախանամ:
Եթէ բիւր բիւրոց ինձ ծառայ բերեն, անհամար հեծեալ
ծիաւոր, չուրախանամ:
Եթէ դարպաս ինձ շինեն, ոսկով զարդարած, անդին մար-
գարտով, չուրախանամ:
Իսկ եթէ հնար ճարակ լինէր ինձ ենել ի նեղ զնդանէս,
Եթէ լինէր որ թռչէի, բարձրանայի, տեսնէի զիմ երամ,
Խաղալով, ճախրելով ու կանչելով խառնիլ յիմ երամ,
Յայնժամ ուրախանայր սիրտ բաժանելոյս,
Յայնժամ խառնէի յընկերացս երամ:

Տաղ վասն մահուան.

Քանի՞ դատիս հետ մեղաց,
Ե՞յ անզգամ մարդ կատաղած,
Զայնչափ չարիք որ գործեցիր,
Հերիք արա, դարձիր մեղաց:
Ի Յադամայ մինչեւ այս օր
Նունչ կենդանի զերծ ըմնաց,
Գիտեմ՝ չըլսես խրատու գրոց՝
Մեղաւորաց թէ կայ պահած:
Ով որ ունի բերդ ու բաղաք,
Դարպաս ունի ոսկով ծեփած,
Յետոյ եթող զամէնն անտէր,
Ներքեւ հողուն է նա պառկած:
Ով որ խմէր զանոյշ գինին,
Զինքն ըլտէր քան զխող ուռած,
Տեսայ զնա խիստ ատելի,
Զանուշահոտ գէշ մի ձգած:
Ով որ հեծնուր ձի բարձրավիղ
Ու թուր քաշէր ամեն դիհաց,
Տեսի զնա խիստ փոշիման,
Երկու փայտի մէջ էր պառկած:
Է Յովհաննէս Թուլգուրանցի,
Սրտի մտօք զականջդ բաց,
Աստէն արա քեզ ճար շուտով,
Անդէն առնուս պըսակ փառաց:

Բաղդադ.

Կար ժամանակ, երբ որ Արաբները աշխարհի կեսը տիրել էին: Այն ժամանակ նոքա մեծ ազգ էին: Մահմեդականութիւնը նոքա տարածեցին: Դոցա ամենահոչակաւոր քաղաքներից մէկն էր Բաղդադը, որ Տիգրիս գետի վրայ է շինած: Մանաւանդ Խալիֆ-Հարուն-ալ-Ռաշիդի ժամանակ այդ քաղաքը շատ պայծառացաւ, հարստացաւ. այն ժամանակուայ ամենամեծ ուսումն ու գիտութիւնը այդ տեղ էր: Նա այժմ էլ կայ, բայց հին շքեղ քաղաքից մնացել է միայն մի քանի մինարէներ, պարիսպներ, աշտարակներ եւ գոներ: Երեւելի են նրա միջի արմաւենիներն ու պարտէզները: Տները գրսից անշուրք են, բայց ներսից բաղկացած են մի քանի գաւիթներից, իւրաքանչիւր գաւիթը պատշգամբներով եւ բնակարաններով: Ունի լաւ բազար եւ արեւելեան ապրանքների մեծ առուտուր: Բաղդադի ուղտերը եւ մանաւանդ կայտառ սպիտակ էշերը՝ ամենայն տեղ գոված են:

Որքան որ մեծ էր երեւմն այդ քաղաքի եւ միջի նըստած խալիֆաների համբաւը, ինքը քաղաքն էլ մեծամեծ պատուհաններ կրեց: Երկու անգամ ամենասարսափելի ժանտախտ մտել է գրա մէջ՝ օրէնը 4000 մարդ զոհ առնելով: Մարախի բուն հայրենիքը դա է: Նատ անգամ զարհուրելի սով է եղել. մի անգամ էլ Տիգրիս այնպէս սաստիկ վարարեցաւ, որ մէկ գիշերում 7000 տուն եւ 15,000 մարդ կուլ տուեց: Եւ այսպէս մի անգամ գոռող Բաղդադը հասրակ քաղաքների շարքն է անցել:

Քաղաքն այժմ տաճիկների ձեռքին է, ինչպէս եւ Մուշն ու Ս. Կարապետը:

(Բաղդադի խալիֆաները միշտ մահմեդական են եղել,

եւ ոչ թէ կռապաշտ. իսկ Սենեքերիմ, Ասորեստանեայց թագաւորը, իրօք կռապաշտ էր, բայց նրա ժամանակ Բաղդադը չկար):

Սենեքերիմ և նրա որդիքը.

Մեր հին պատմութիւններում գրած է, թէ Քրիստոսից հազարաւոր տարի առաջ, երբ ոչ Ս. Կարապետ կար եւ Հայերն էլ գեռ քրիստոնեայ չէին՝ կար Ասորոց թագաւորութիւն: Ասորոց Սենեքերիմ արքան իւր Ադրամէլէք եւ Սանասար որդոց ուղղում էր կուռքին զոհ մասուցանել, սոքա էլ իրանց հօրը զոհեցին եւ փախչելով եկան Հայաստան՝ մեր Սկայորդի թագաւորի ժամանակ: Նրանցից ծագեցաւ Հայոց երեւելի նախարարութիւններից մէկը, այն է՝ Սրծրունեաց նախարարութիւնը, որ Հայաստանի կառավարիչներից շատ պատիւ ստացան եւ իրանք ու իրանց սերունդն էլ շատ ծառայութիւն եւ քաջութիւն արեցին: Նոքա բնակեցան Վանայ ծովի հարաւային ափերում եւ Սասնոյ գաւառի շինութիւնն ու սկզբնաւորութիւնը դրանց ձեռքով կատարուեցաւ:

Գուռգուռայ Աստղիկի լոգարանը.

Եփրատը երբ որ մտնում է Մշոյ գաշտը եւ Կինճայու ձապաղ ջրի սարերի ու ձորերի քարերին է դիպում՝ մի նեղ կըրճով շատ սեղմուելով գուռու գուռու ձայն է արձակում: այդտեղը կոչւում է Գուռգուռայ, ուր հին Հայերի գիցուհի Աստղիկի լոգարանն է եղել: Սյու գիցուհին գիշերները սուվորութիւն է ունեցել լուացուելու: Նատ երիտասարդներ, բարձր սարերի վրայ մեծ կրակ էին վառում, որ նրա լուսով Աստղիկի չընալ գեղեցկութիւնը տեսնէին: Դիցուհին երի-

տասարդների յանդգնութեան չհամբերելով՝ մշուշով պատեց չորս կողմը, որ դաշտի մէկ ծայրից սկսած մինչեւ միւս ծայրը, թէ ամառ եւ թէ ձմեռ, մինչեւ սարերի գլուխը այնպէս բռնում է, որ անհնարին է լինում որեւիցէ կողմի լեռներից տեսնուիլոց: Աչա այս թահար եւ շարունակ մշուշից ծածկուած լինելու պատճառով այդ դաշտը կոչւում է Մշուշաշտ:

Մշուշ սարեր մշուշ է,
Իւր հողն ու ջուրն անուշ է:

Մշուշաշտ կամ Տարօն.

Մշուշաշտի ժողովուրդը միշտ նշանաւոր է եղել իւր քաջութեամբ: Կրօնասիրութիւնն էլ այստեղի Հայոց սեպհական ձիրքն էր. քանի որ ժողովուրդը կռապաշտ էր քուրմերը մեծ պատերազմ տուին Տրդատի եւ Լուսաւորչի դէմ, իսկ երբ որ ճշմարիտ աստուածապաշտ դառաւ՝ այն ժամանակ էլ Վարդանի եւ իւր նմանների առաջնորդութեամբ սաստիկ կրիւ տուեց Պարսից մոգակրօնութեան դէմ:

Մամիկոնեանց մեծ նախարարութիւնն էր այս աշխարհի տէրը:

Մշուշ Հայերը պէտք է քաջ լինին, որովհետեւ իրանց հայրենիքը զարմանալի գիրք ունի: Այն ամեհի բարձրաբերձ լեռները, որով նոքա պատած են, սրտին էլ համարձակութիւն պէտք է աղդէին. անտառներով, մացառներով զարդարած գագաթներն ու ծոցերը, նոյնպէս եւ շամբերը, որոնց մէջ գագանները լիքն են, ստիպում էին իրանց, որ զէնքի վարժուին՝ թէ որսալու եւ թէ պաշտպանուելու համար: Այս ընդարձակ դաշտը եւ այն մեծատարած երկինքը վեհութիւն եւ լսեմութիւն էին ազդում նոցա հոգուն, եւ այն պատուական կլիման արդէն զօրաւոր եւ յաղթանդամ էր կազմում նոցա մարմինը:

Զրերը բոլորն էլ գետեր են, որ չորս կողմի լեռներից առւր ընթացքով եւ գոռուն գոչուն ձայնով վազում՝ թափում են Եփրատի ծոցը, եւ թէպէտ Մեղրագեան ու Եփրատը անձայն են ընթանում, բայց անցնում են այնպէս արագ, այնպէս ահարկու եւ լայնածաւալ պտոյտներով ու հոսանքներով, որ կարծես մի ահեղ թագաւոր է Եփրատը եւ նրա սպարապետն է Մեղրագետը, որոնք ջրային զօրքերի մի մեծ քանակ հետն առած՝ գաւառներին տիրելով՝ գնում են կռուելու ուրիշ տիրապետողների հետ: Այսպիսի մի երկիր որքան որ իւր բնակիններին ոյժ է տուել, այնքան էլ օտարների նախանձն է շարժել, եւ այս պատճառով Մշուշիք գրեթէ շարունակ կռուի մէջ ծնած եւ մեծացած լինելով՝ մահից չվախնեցող մարդիկ էին:

Մշուշաշտ լիքն է եղել բանաստեղծներով, երգաւայններով. բազմաթիւ աշուղների տեղ է եղել այս երկիրը, որովհետեւ այնքան քաջերի եւ քաջագործութիւնների: Համբաւը բերանէ բերան աւանդում էր եւ նոցա յիշատակը ամենի սրտում կենդանի էր:

Այսքան գեղեցիկ է Մշուշաշտը, որ տեսնողի սիրութը թրթուում է, արիւնը եռում եւ հոգին բարձրանում:

Բայց այսօր այս նշաններն ազգային չեն. Մշուշ քաջերը Հայեր չեն, այլ Քրդեր են եւ երգերն ու խաղերն էլ քրդերէն լեզուով են: Կատ Քրդին որ հարցնես իւր ծագումը, կասի. «Մենք Հայ ենք եղել եւ մեր աղատութեան համար զէնքը չձգեցինք, հաւատքը փոխեցինք»:

Մշուշ դաշտի մէկ կողմը Սամնոյ քաջաբեր լեռներն են, Տօրոսի շղթան: Միւս կողմը Բղնունեաց (Վանայ) ծովը ծիծաղախիտ ծածանում է: Մէկ կողմն էլ իհւրակնեան (Բինգէօլի) լերինքը եւ նոցա գօտիներն են, անմահացուցիչ ջրերով եւ ծաղիկներով զարդարուած:

Դաշտի մէջ եփրատէսը խշալով խոխոջալով Գրգուռից ցած հոսում է մէկ կողմ. իւր խոր ծոցի մէջ անժիւ ձկներ կայտում եւ խաղում են. բադն ու սագը իւր ալիքների վրայ ծփում են. իւր գետափունքները լիքն են խոշոր եւ մանրիկ թռչուններով:

Սրագիլը ամեն գիւղի տների երդիկը եւ բարձր շէնքերի, պարիսպների եւ ծառերի, գլուխը իւր բոյն է դրել եւ հազարաւոր ճնճղուկները նոցա բոյների շուրջը ապաւինել են: Դաշտի խոտերի մէջ բուսած եւ ծորերի մէջ ծաղկած վարդի ժիկերի մէջ սոխակները ճըլվըրում են. գարնան, ամառուայ եւ աշնան առաւօտները այնպէս սքանչելի տեսարան եւ լարան են կազմում այս թռչունների երամները, որ ասես թէ բնութեան տաճարի մէջ Սրարչի փառարանից են կարգուած սրանք հրեշտակների տեղ:

Սրեւելեան կողմից Գրգուռ լիառը կոթողածեւ տնկուած է երեւում, որի ստարուոր տարածուած է մէկ կողմը Մշոյ դաշտը, միւս կողմը Վանայ ծովը: Առաւօտեան, արեգակը երբ որ նոր ծագում է եւ իւր ճառագայթները խփում է ծովի ալիքների եւ դաշտի գոյորդիների վրայ՝ մի կանաչ կարմիր մանեկաձեւ պսակ է ծգում այս Գրգուռի կլորակ եւ մերկ գլխի վերայ: Նրան նայողը զմալլում է:

Գրգուռի թիկունքից վեր է բարձրանում նէմրութ կամ ներրովթ լեառը, որի գլուխը նման է մի բոլորակ սեղանի, մէջտեղը հրաբուխի մարմրուքն է, իսկ շուրջը պսակաձեւ շարուած բարեհամ աղբիւներ եւ անուշահոտ ծաղկներ: Այս ներրովթ լեռը իւր ճակատից կախած ունի Բելայ դիակը «ի տեսիլ կանանց եւ որդւոց եւ ի նշան յաղթանակի մեր Հայկին»:

Մշոյ դաշտի միւս կողմի լեռների վրայ բարձրացած են գմբէթայարկ վանքերը՝ Ա. Առաքելոց վանք, Ա. Յավհաննու վանք եւ Ա. Կարապետինը, որոնց ամպամած եւ արեւով

ոսկեզօծուած կաթուղիկէների խաչերն ամեն կողմից հովանի են սփռում դաշտի հարիւրաւոր գիւղերի վրայ եւ ամենի սիրտը քաշում են իրանց մօտ:

Յասման Խաչ.

Սովորութիւն կայ Հայոց մէջ, որ կամ առհասարակ գիւղացիք միանալով, կամ մի իշխան միայն իւր քսակով ծախս են անում եւ մի խաչաքար են կանգնեցնում: օծել են տալիս մեծ հանդիսով այդ քարի վրայ քանդակուած խաչը եւ իրանց գիւղի պահպանութեան համար թողնում են: Մէծ հացկերոյթ են կազմում, եզներ են մորթում, հարիսայ կամ մատաղի միս են եփում, անխտիր բոլոր հասարակութեան ուտեցնում են: Այս բարեպաշտական սովորութիւնը մինչեւ այս օրս էլ պահուած կայ Հայոց մէջ: Իսկ ծասման Խաչ անուն տալու պատճառն էլ այն է, որ երբ տարածամ ծիւն կամ կարկուտ տեղայ, բերքերին վնասէ: Երբ մարախն ու թրթուրը բոյն ու կանաչը գոսացնեն. երբ երաշտութիւն լինի. երբ ցաւ ու մահ պատահեն մարդկանց եւ անսառններին. երբ երկրաշարժ լինի, եւ ինչ վնաս որ պատահի երկրին, այն որ մարդկանց ձեռքավ արած չէ, Աստուծոյ ցասումն է համարւում: Եւ այդ ցասման դէմն առնելու համար Քրիստոսի Խաչի պատկերն այսպէս բարձրացնում են երկնքի առաջեւ, որ պատուհանից հրեշտակը պատկառէ Խաչից, իսկ Աստուած հաշտուի: Եւ հաց ու մատաղ հասարակութեան բաշխելով՝ մարդիկ իրանց սրտի ներողութիւնը յայտնում են միմեանց եւ գթածութիւն են գործ գնում, որպէսզի Աստուած իրանց յանցանքները ներէ, գթած երկնաւոր Հայրը յետ առնէ իւր ցասումը:

— 52 —

Բինդէօլ.

Աս այն բարձր եւ աննման լեառն է, որ մեծ եւ փոքր չայաստանի կենդրոնում է բուսել: Սրա գագաթն ենողը վայելում է անապական օդ, շատ ջինջ է երեւում իւր երկնքի եթերը եւ քիչ էլ խոնարհեցնելով աչքերը՝ տեսնում է Հայաստանի ամեն կողմերը, ողջունում է Մասիսներին եւ Արագածին: Այստեղ Անիի գմբէթների եւ բերդերի բեկորների վրայ վայող բուերի արձագանքն ու սոյլը բերում է գարնան սուքը եւ խառնում է Բինդէօլի սոխակների եւ հովուաց սրինգների ձայների հետ: Վասպուրականի ծովը, Միջագետքի սկիզբը, Կարինը՝ Բինդէօլից սրատեսներին երեւում են, որ ամենայն կողմ իրանից ջուր է տալիս:

Բինդէօլը գժնդակ տարտարոս է ձմեռուայ եղանակին եւ դրախտ գարնան ու ամառուան ժամանակին: Բինդէօլը վեհ եւ ահաւոր չէ, այլ սիրոն. թագաւորին չի նմանում, այլ թագուհուն. շնորհաց լեառն է քան թէ քաջերի եւ դիւցազունների. սրա համար իւր վրայ եղած վէպերը ոչ Ազնաւորի, ոչ Դիեւերի, ոչ յաղթողի եւ ոչ զինուորի ու թագաւորի են, այլ սիրոյ, զուարձութեան, առողջութեան, գեղեցիութեան եւ զարդի, անուշութեան, պարարտութեան, գուսանութեան: Որովհետեւ սրա բիւրաղբերաց եւ հազար ականց շուրջը ծաղիկների եւ բոյսերի բիւր տեսակն է փրուռած. ջրարբի մարգեր, ամենսադալար բանջարներ եւ խոտեր իրանց արմատներով, ուտելու, բուժելու, գոյն-գոյն ներկելու են գործ ածւում. Նրա վայրի կենդանիները առիւծ եւ վագր չեն, այլ եղնիկ եւ այծեամն:

Այստեղ զբօսասէրները ուրախանալու են գալիս, Հիւանդները օդն ու ջուրը ծծելով՝ կեանքը նորոգելու: Իսկ մեղուների տղղոցն ու բղղոցը հիանալի ներդաշնակ են տաւուս մարդիկների եւ թոշունների երգերին, անասունների

բառաշին, գորտերի կառացին, գլգացող առուակի եւ սուլացող սիւքի ձայնին: Անթիւ, անհամար են մեղուները, բայց միեւնոյն ժամանակ օձերն էլ սողոսկում են այդ ծաղիկների կողակով. նոքա էլ միեւնոյն ծաղիկներից հիւթ են առնում եւ վայելում են սուրբ օդը: Այստեղ մեղուներով մեղը է շինուում եւ օձերով թոյն:

Գովելի են այս լեռան բարեվայելութիւնները, որ արարածներին հրաւիրում են այնտեղ տեսնել, վայելել Աստուծոյ սքանչելիքը:

Եւ որովհետեւ այնտեղի աղբիւրն ու ծաղիկն մէկ չէ, հազար է, ուստի եւ դժուար է լինում ճանաչել, թէ մարդոր ծաղիկը որ աղբիւրի մօտ է տեսել: Եւ երբ որ մի հովուի վրայ բարկացել են, թէ ինչո՞ւ միտ չէ պահել իրան առողջացնող ծաղիկն ու ակը, հովիւր պատասխանել է.

«Բինդէօլ, հեղար գէօլ, ազէի գանըմ քիժան գէօլ»:

«Բիւր ակն, հազար ակն, ես ինչ գիտեմ, որ այն ակն եւ այս է եղել, իբրթէ, տեղի անուանակոչութեան սկիզբը»:

Աւելորդապաշտութիւններ.

Բարեսպաշտական սովորութիւնները շատ անգամ աւելորդապաշտական եւ դիւթական բաներ են դառնում: Ահա մի քանի օրինակ այն Հայերի կեանքից, որոնք քրդերէն են խօսում եւ քրդաբար են ապրում:

Նոցա քահանաները մուրացկանութեամբ են ապրում, հասարակ կարդալ չգիտեն, տգէտ են, շատերն էլ կախարդութիւն են անում:

Այդ Հայերը մեռելի վրայ սաստիկ ողբ եւ կոծ են ասնում. եթէ մեռնողը անդրանիկ զաւակ է, յուղարկաւորութեան ժամին մի ձի են զարդարում, մեռնողի հագուստը ձիու վրայ են դնում, նրա սուրը, վահանը, հրացանը ձիու վրայ են կախում: Մեռնողի Հայ, Քիւրդ եւ Եղիդի բարեկամները ժողովում են. գիւղին մօտենալու ժամանակ սեւ փաթաթոցներով գլուխները սքողում են եւ մեծ ձայնով քոռում են. «Վայլը մըն բրայօն, վայլը մըն բրայօն»: ստէպ կըրկնելով այս վայերգը:

Յուղարկաւորութեան հանդէսը սկսում է բոլոր գիւղացոց բազմութեամբ եւ դագաղի առաջեւից իբր քսան կանայք՝ անոյշ ձայնեղ, սեւեր փաթաթած գլխներին, քիւրդերէն լեզուով ողբեր են կարդում: քսանից աւելի էլ տղամարդիկ՝ սեւ ապաներ քաշած, գլուխները սգաւոր՝ ողբասաց կանանց յետեւից են գնում. երբեմն-երբեմն կանանց ողբերի ձայնը ընդհատում է, այդ ժամանակ սգաւոր մարդիկ միաձայն աղաղակում են. «Վայլը մըն բրայօն, վայլը մըն բրայօն»:

Թաղումից յետոյ եօթն օր այս հանդիսով գնում են գերեզման ու գալիս: Ով օր ննջեցեալին շատ է սիրում, աւելի է գոռում:

Մի անդամ անձրեւ չեկաւ, դաշտը չորանում էր. ասացին, թէ հարուստները կախարդութեամբ կապել են երկինքը, որ իրանց ամբարած ցորենը թանկ-թանկ ծախեն: Ուստի որքան ժողովրդական կախարդներ կային, աշխատեցին որ ամպերի կապանքն արձակեն. որը քարի վրայ մի բան դրեց, ջրի մէջ ձգեց, որը մեռելի գանգ գերեզմանից հանեց՝ գետը ձգեց, որը էշի գլուխը ջրով լուաց, եւ ինչ որ արին, անձրեւ չեկաւ: Մէկ գիւղի կանայք սպառազինած

գնացին միւս գիւղի սպառազէն կանանց գէմ, երկու կողմից հրացաններ պարպեցին, վերջապէս մէկ կողմը յաջողեցաւ մի ոչխար խլել միւտից, բերեց զոհեց, գլուխը կտրեց եւ մեծ հանդիսով տարաւ, գետը ձգեց, որ անձրեւ գայ: Հրէաների գանգեր հանեցին գերեզմանից՝ զուրը ձգեցին: Ուզում էին ողջ քահանայի գլուխը կտրել՝ ջրին նուիրել, բայց անձրեւ եկաւ եւ կենդանի զոհն աղատուեցաւ:

Գիւղից մի տղայ անյայտացաւ. ծնողները շատ իգուր որոնելով՝ գիւղեցին կախարդներին: Նոքա պատասխանեցին, թէ տղային ջիները յափշտակել են, գաղանների հովիւ են շինել: Մէկ որսորդ էլ վկայում է, թէ ինըը սարի վրայ մի գաղան տեսաւ եւ ուղում էր հրացանով նրան սպանել, բայց փոխուեցաւ, մարդու պէս երեւեցաւ աչքին. հրացանը վեր դրեց, այն մարդը դարձեալ գազան դառաւ. նորից ուզեց սպանել, մարդ դառաւ. վերջապէս հարցրեց. «Դու ով ես»: — «Ես Խաչօն եմ», ասաց եւ աներեւոյթ եղաւ:

Թագուցած գանձեր.

Հայաստանի ամեն գաւառի բնակիչներն այն կարծիքն ունին, թէ շատ տեղերում գանձեր կան պահած. ուր որ մի բլրակ, աւերակ, այր, խոռոչ տեսնես՝ նրա վրայ կսկսեն պատմութիւն անել, թէ գանձ կայ, բայց թըլլի մու պէտք է գիտենալ, որ գտնուի:

Թըլիսմը անուշագիր թողնելով, որ տգիտութեան կամ խարէութեան մի խօսք եւ հնարք է, բայց որովհետեւ ամենայն տեղ տարածուած է գանձի մասին եղած կարծիքը, ուրեմն անհնարին բան չպէտք է համարել, թէ մեր նախնիքը իրանց ոսկին ու արծաթը, դրամն ու ակունքը, զարդերն

ու թանկ նիւթերը նշանով մի տեղ, կամ իրանց տան հիմքը տակը, կամ գերեզմանների մէջ խոր պահում էին, եւ այս բանի մասին մեր պատմագիրներն էլ շատ վկայութիւններ են աւանդել մեզ. շատ աշխարհականեր այդ գիտենալով մեր նախնիներին ստիպում էին, որ իրանց թաքուցած գանձը հանեն բերեն: Մեր թագաւորների շիրիմները քանդում էին, ուկորները հանում էին, որ նոցա հետ գանձ էլ հանեն: Մինչեւ այսօր էլ Հայերը ուր որ մի նշանաւոր շիրիմ եւ մի դամբան գիտեն՝ կարծում են թէ գանձ կայ նրա մէջ կամ նրան կից: Այս սովորութիւնը ծագել է կամ բարբարոսների եւ յափշտակողների երկիւղից, կամ գուցէ եւ ագահութիւնից: Մինչեւ այսօր էլ շատ տեղ պատահապէս փորելով անակընկալ կերպով գտնում են հին դրամներ, զարդեր, գէնքեր, գործիքներ: Մինչեւ այսօր էլ կան մարդիկ, որ այդ սովորութիւնն ունին. կայ մարդ, որ իւր տան պատի մէջ է դնում իւր գանձը եւ քարոզ ու աղիւսով շարում է. կայ՝ որ սենեակի կամ բակի յատակի աղիւսի կամ սալի նեղքեւ փորում է եւ խոր պահում:

Ազնաւորի գերեզման.

Սիփանայ տակը Քրդի մի գիւղ կայ, որին տիրում է մի շէյխ, այսինքն Քրդերի գլխաւոր եւ մարդարէ: Այս շէյխի տան առջեւ ութը քայլ մեծութեամբ մի գերեզման կայ, որ մի քարակոյտով քարձրացած է: Անցուդարձ անողները եւ մերձաբնակ Հայերը այդ գերեզմանին անուանում են Ազնաւուրի գերեզման. իսկ շէյխն ասում է, թէ նրա նախնիքինն է, որին եւ իրօք մեծարում է իբրեւ մի մարդարէի շիրիմ: Այդ հսկայ գերեզմանը եւ իւր ազնաւուր անունը, որ է ազնուական (ազնիւ բառը համարում է իւր տոհմային գլուխ, իւր ազգի տանուտէր), մեծ նշանա-

կութիւն ունին: — Բայց արդեօք ովկ կարող է հաստատել, թէ Քրդերը Հայերից չեն խել այդ գերեզմանի յիշատակը, ինչպէս եւ շատ բան նոցանից յափշտակել են. գիտենալու բան է, որ այդ գերեզմանը Նարքի մէջն է, մեր Հայկ նահապետի բնիկ գաւառի մէջ. ինչու ուրեմն Հայկի գերեզմանը չէ դա, կամ վերջապէս մի ուրիշ Հայ նահապետի գերեզման: Այսպիսի մեծադիր եւ ազնաւուր գերեզմաններ շատ կան տեղ-տեղ ցիրուցան եղած, որոնք նոյնպէս Հայոց նշանաւոր Հարանց հսկաների կամ նախարարների շիրիմը պէտք է լինին: Իսկ շէյխերի տիրելուն բնաւ զարմանալու բան չկայ. գոքա կամ հայութիւնից են դարձել, կամ անհայ գտնելով այդ տեղերը, եկել տիրել են եւ օճախ են շինել:

Ժողովրդեան բերանով ազնաւուրին դեւ էլ են ասում: Գեւը միշտ գիւցազն, հսկայ, տիտան է: Եթէ ուզենան մէկ յաղթող եւ հսկայ մարդու վրայ խօսել, դեւ բառ են գործ ածում: Եւ միշտ այսպէս է հասկացուած, թէ դեւերը բնակւում են լեռներում եւ այրերում, անլոյս գբերում, անջուր հորերում եւ անջրդի անապատներում: Թէ նոցանից մէկը հազար մարդու կարող է յաղթել. թէ լեռների չափ քարեր կարող են վերցնել. թէ մարդու միս եփում՝ ուտում են. թէ թագաւորի աղջկան գողանում են, եւ այն:

Նէմրութ, Սիփան և Վանայ ծով.

Մշոյ դաշտի արեւելեան հիւսիսակողմը կայ մէկ լեառն, Նէմրութ անունով, որ մէկ երեսը Մանազկերտու կողմն է նայում, մէկ երեսը Խլաթն է, Վանայ ծովի ափին եւ միւս երեսը Մշոյ դաշտն է. իւր թեւի տակ ունի նաեւ մէկ փոքրիկ եւ իրանից բաժանած տանձաձեւ լեառ, սեւ եւ մերկ. այս փոքր լեառն է Գրգուռը:

Այդ լեառների ոտներից Ռահվայ դաշտն է երկարում, որի ձմեռը սաստիկ ձիւնները շատ են ամեն տարի եւ բուքը պակաս չէ: Ճանապարհորդները շատ անգամ մի քանի օր այդտեղ փակուած արգելում են եւ աւազակների բաժին են դառնում, որոնց որջն է այդտեղը:

Դաշտի մի եզրը մինչեւ ծովի ափը կլտեսնես մի կարգ տնկածի կամ կանգնածի պէս սեւ քարեր, որոնք հեռուից եւ մութ ժամանակ մարդուն կարող են խաբել՝ իբր թէ կարաւան են դոքա կամ մարդ եւ ուղութեան ուղարձին են անուանում նոցա եւ այս պատմութիւնն են անում. Կուապաշտ թագաւոր է եղել Բէլլ եւ մեծ զօրքով կռիւ է եկել Հայոց թագաւորի ու երկրի վրայ. Հայոց թագաւորը Աստուծոյ ձեռքով սպանել է Բէլին եւ հանել է Նէմրութի գլուխը, որ ամեն կողմից երեւելի լինի. մարդիկ եւ ուղտերն էլ իրանց վախից քար են կտր ու ել»:

Սիփան մի լեռնադաշտի անուն է, որ Նէմրութի գօտին է, բարձրադիրը, եւ արեւելեան կողմում երկարում է այն մեծ ու շատ բարձր սարի ոքտի հետ կապուելու համար, որ Սիփանայ սար է կոչում. որպէս թէ Նէմրութը լինէր Բէլլ եւ Սիփանը մեր Հայկը, որ Բէլին իւր ոտքի տակ կապել է: Խիստ անուանի է խոտաւէտ եւ օգտաւէտ լինելով: Իւր առաջեւն է Վանայ ծովի երեսը, բնակութիւնները ընդհանրապէս ծառազարդ են եւ բաւական զառիվայր դիրք ունենալով՝ պատուական եւ առատ պաղպաղ ջրեր են հոսում: Բնակիչը վայելում է Վանայ ծովի անմահական օդը, նրա գեղաճիծաղ երեսը. Վանայ բերդի եւ նրա այգեստանների, Սրտամետի ժառաստանների եւ ծովեզրի բոլոր միւս շէների եւ աւանների սքանչելի տեսարանը, ամենայանկալին Վարագը, Հայոց Զորը, Ռշտունիք, Ետախու եւ Մոկաց լեառները,

Նարեկայ վանքը, Աղթամարայ, Ատուց եւ Լիմ անապատների կղզիները եւ սուրբ տաճարների երկնանման գմբէթները: Ծովի հարաւային կողմն էլ Կարմկանից անտառները եւ ծովի երեսը լողացող առագաստաբաց նաւերը: Մի վայրկեան բարձրացիր այս Սիփանայ հովիտը, նստիր, հանգստացիր, շնչէ անմահական ծաղիկների եւ դալարիների մէջ, ուր մի վտակ է խոխոջում, ուր սոխակ է դայլայլում, ուր կռունկն է կրկուում, ուր ծովը առաջեւդ ծփծփում է. մի քիչ երջանկացիր: Է՛, դէ բարձրացիր, սիրտ առ եւ իմացիր, որ այդ տեղը Քիւրդի խոտնոցն է. այդ տեղը Համնանցի քըրգերի բնակութիւնն է:

Քիչ էլ առաջ գնա. ահա Սիփանայ սարը, այդ ահագին, բարձր, մասիսակերպ սարը, որին Գոռող լեառ են անուանել: Բնակիչները մէկ բան են երգում այս լեռան մասին իբրեւ հին երգ եւ ասում են.

Նոյայ տապանն եկաւ ի Սիփան,

Ասաց.

«Սիփան, առ զիս, առ զիս»:

Սիփանն ասաց.

«Գընա ի Մասիս, գընա ի Մասիս,

«Որ մեծ է քան զիս, որ բարձր է քան զիս»:

Եւ տապանը հեղեղի ջրի երեսին ալէծուփ լինելով եւ գալով Սիփանին՝ Գրգուռի գլխով անցել է եւ քսուելով կամ գրգռելով այս լեռան սուր գլուխը, տաշել է եւ անցել է: Վանի պառաւները մի վէպ ունին, թէ վանայ ծովի մէջ վիշապ է կենում: Վիշապը եթէ հազար տարեկան դառնայ, շատ սարսափելի կըմեծանայ. ուստի հրեշտակները երկնքից իջնում են, շղթայով կապում են եւ վեր են քաշում, այնքան բարձրացնում են, մինչեւ որ արեգակի առաջ են հանում;

ուր կիզիչ հուրը վառում եւ մոխիր է դարձնում վիշտին։ Աւելացնում են, թէ յեծ շառաջիւնի ձայներ են լսում երկինք քաշած ժամանակ։ Թէ երեմն այնքան գալարում, ողոր-մոլոր է լինում, որ պոյզը կտրում է եւ վեր ընկնում։ Գուցէ թաթառ հողմի նկարագիրն է այս, որ ծովից ջուր ու սամարից փոշի, ծառ եւ քար է բարձրացնում ամպերի մէջ եւ վեր է թափում։

Ով որ Վարագայ լեռան վրայ բարձրանայ, կրտեսնէ, թէ ինչպէս արեւը վերջալուսի ժամանակ ծովի մէջ է մըտնում լողանալու, մաքրուելու եւ հանգստանալու համար՝ օրուայ ճանապարհորդութիւնն անելուց յետոյ։ Այդ ժամանակ արեւմուտքում սովորաբար երեւում են շառագոյն, մոխրագոյն եւ ձիւնագոյն ծալ-ծալ ամպեր՝ դոքա արեգակի անկողնի քօղն ու վարագոյրներն են։ Նորա անկողինը ծովի տակին է ծգուած, փրփուրի վրայ։

Վարագայ սարից երեւում է նմանապէս արեւելքում, արշալոյսից առաջ, արեւի ծագումը։ Այդ ահագին լեռան տակից նախ դուրս են գալիս 12 դաւազներ, սեւ-սեւ արաբներ. եւ այդ լեռան վրայ լուսեղէն ճիպոտներով ճառագայթի պէս խփում են. լեառը ցածանում է, բոլոր սարերն իրանց գլուխը խոնարհեցնում են. արեւը խր երեսը լուսնում է ջրի ցողերով եւ այդ ժամանակ սրսկում են սարերն ու դաշտերը. այս ջրի սրսկումից բոլոր թռչունները արթնանում, վեր են թռչում եւ ճլվում են. յանկարծ արեւի ոսկի գլուխն ու հրեղէն մաղերը երեւում են։ Հրեշտակները վեր են քաղում արեգակի անկողինը, հանում եւ հագնում են նրա հալաւները։—Սրեգակը ջաղացի ջրտան ճախրի կամ գունտի ձեւն ունի, որ գլորուելով պտըտում է եւ առաջ է գնում, եւ այդ գնդի փառերից լոյսի ճառա-

գայթներ են ցոլանում, ինչպէս ջրի ցնցուղը ջաղացի գունտից։ Երբեմն սատանաները բիւր բիւրոց ժողովում են եւ աշխատում են հակառակ կանգնել արեւին, որպէս զի նրա լոյս երեսը մարդիկ ջտեսնեն, բայց հրեշտակները հրեղէն սրով պատերազմում են, դուրս են ձգում նոցա սեւ ամպերի միջից։ Եւ այս կռուի ձայնն է ամպերից լառած որոտումն. վայլակը՝ Գաբրիէլ հրեշտակի սուրն է, կայծակը՝ հրեղէն նետն է, իսկ ծիածանը՝ աղեղն է։

Մհերի դուռը.

Վանայ բերդից դէպի արեւելք նայելով՝ մի լեռնագօտի կայ, որի արեւելեան գլուխն անուանւում է Զը մփ-զը մփ մաղարայ, արեւմըտեան ծայրը՝ Ա. գ ր ա փ ի եւ մէջ տեղը՝ Մհերի դուռ։ Դոյշա դիմացն են Վանայ երեւելի այգեստանեայքը։ Զըմի-զըմի մարաղան մի ընդարձակ քարայր է, ուր ձայն արձակած ժամանակ զը մփ-զը մփ արձագանք է տալիս։ Ներաը, այդ քարայրի ամենամութ անկեան մէջ, ճանապարհ կայ, որտեղից սաստիկ քամի է վշտում։ այդ լեռնափոր ուղին, ասում են, մինչեւ Վանայ բերդի մէջ է տանում։ Ինքը Զըմի-զըմի մարաղան էլ բերդաձեւ գագաթ ունի, եւ քանի որ փորել են, այնքան աւելի շէնքեր են գտել մէջը՝ զարմանալի շէնքեր կոփածոյ քարից լայն սանդուխներով, մէջը հողէ կարամներ, կժեր, արհեստական աթոռներ, պղնձէ թափածու արձաններ, երկաթէ նետեր, խոփեր, եւ այն։

Մհերի դուռը բոլորովին մերկ քար է, որը որ մեծ արհեստով տաշել, կոկել են մեծ դռան ձեւով կամ աւելի ճիշդն ասել, մի տախտակի ձեւով եւ սիրուն քառամկիւն շրջանակով, վրան գրել են բեւեռագիրներ՝ խիստ յստակ։

Այդ գրերը շատ հին գրեր են եւ պատմում են ամենահինքնիկ ժողովրդեան գլխին եկած անցքերը:

Մհերի դռան վերեւից կաթ-կաթ եւս ջուր է ծորում: Եւ ասում են. «Մհերն եւ իւր ձին Աստուծոյ հրամանով փակուել են այնտեղ: Այն սեւ ջուրը Մհերի ձիու քրտինքն է: Այդ գրան ներսը ճախրի ֆալակն է պլատում, այսինքն աշխարհը մարդկանց կամ երկրագնտի ճախրը-անիւր: Մհերը շարունակ նրա վրայ նայում է. երբ որ այդ ճախրը դադարի, այն օրը Մհերը կազատուի, դուրս կըգայ եւ աշխարհը կաւերի»: Եւ թէ՝ «Ամեն տարի Համբարձման գիշերը երկինք ու գետին իրար համբուրում են եւ այդ րոպէին Մհերի դուռը բացւում է: Ով որ արթուն է մնացել, այդ վայրկեանը տեսել է, ինչ որ սիրտն ուզել է այնպէս է եղել: Նատ մարդիկ միայն ոտքի են ուզել եւ այդ վայրկեանին մտել են դուրս բերելու, բայց ագահ լինելով, ուզեցել են շատ վերցնել եւ ուշացել են. դուռը փակուել է, նոքա մնացել են ներսը»:

Մեր պատմութիւնն ուրիշ տեսակ է պատմում: Եւ առ հասարակ ժողովուրդը շատ տեսակ պատմութիւններ ունի Մհերի մասին:

ՎԵՐՋ



ՆԻՒԹԵՐԻ ՑԱՆԿԻ

- | | |
|--|------|
| 1. Սասունցի Դաւիթ—Գլուխ Ա, Բ, Գ, Դ, Ե, Զ,
Է, Ը, Թ, Փ, | 1—37 |
| 2. Ժամանակագրական աղիւսակ | 38 |

ՑԱՆԿԻ ՑԱՆԿԻ

3. Սուրբ Կարապետ	39
4. Երգ շինականաց	41
5. Նաւակոծեալը Վանայ Ճովի մէջ	42
6. Օրիորդի սեւ օրը	43
7. Տաղ վասն օտարութեան	44
8. Տաղ վասն մահուան	45
9. Բաղդադ քաղաք	46
10. Սենեքերիմը եւ նրա որդիքը	47
11. Գուռգուռայ Աստղիկի լոգարանը	47
12. Մշոյ Աշխարհ կամ Տարօն	48
13. Ցասման խաչ	51
14. Աւելորդապաշտութիւններ	53
15. Թագուցած գանձեր	55
16. Աղնաւուրի գերեզման	56
17. Նեմրութ, Միփան եւ Վանայ Ճով	57
18. Մհերի դուռը	61

ANSWER

W.W. 411.15.4.2182

ՆԻԿՈՂԱՅՈՍ ՏԵՐ-ՂԵԽՈՆԴԵԱՆԻ ՀՐԱՏԱՐԱԿՈՒԹԻՒՆԵՐԸ

1.	Աղայեանց՝ Աւտումն Մայրենի Լեզուի, ա. տարի . . .	25 4.
2.	» Ուսումն Մայրենի Լեզուի, բ. տարի . . .	40 4.
3.	» Ուսումն Մայրենի Լեզուի, գ. տարի . . .	55 4.
4.	Գէորգէկեան՝ Ժողովածու թուար. խնդիրների՝ Ամր. թուեր 40 4.	
5.	» » » , կոտոր. թուեր 50 4.	
6.	Թումանեանց՝ Խաչառայ Կողա Ռուսկаго Ազыկա. . .	25 4.
7.	Մանդինեան՝ Նահապետական աշխարհ . . .	60 4.
8.	Հենչէլի՝ բանաւոր և զրաւոր հաշուելու . . .	
	» խնդիրներ, առաջին և երկրորդ տարի . . .	40 4.
9.	Բանաւոր և զրաւոր հաշուելու խնդ. գ. տարի 50 4.	
10.	Ընտանեկան Աշխարհ	25 4.
11.	Դիւցազնական Աշխարհ	25 4.
12.	Տէր-Ղետոնդեան՝ Մայրենի Լեզու, առաջին տարի . . .	35 4.
13.	Մայրենի Լեզու, երկրորդ տարի . . .	40 4.
14.	Մայրենի Լեզու, երրորդ տարի . . .	50 4.
15.	Մայրենի Լեզու, չորրորդ տարի . . .	65 4.
16.	Մայր. լեզուի բաց. ձեռնարկը. ա. տարուայ ձրի . . .	
	Մայրենի Լեզուի քերականութ. տարելքը,	
17.	մասն առաջին.	30 4.
18.	Մայրենի լեզուի քերականութեան տարելքը, » մասն երկրորդ.	40 4.
19.	Հայորդի՝ Սրբազան պատմ. Հին Կտակ. . .	50 4.
20.	Սրբազան պատմութիւն Նոր Կտակարանի	50 4.

1. Գըքերի վաճառումը կանխիկ է: Ապառիկ ոչոքի գերե չե ուղարկ լում, ըայց ցանկացողների համար գըքերի արժէքը կարող ենք վերադի անել, որ նոքա վճարեն այն փոստային վարչութեանը կամ կանոքեն, որք միջոցով պիտի ստանան գըքերի ծրարը կամ սնդու կը:

Դիմել՝ Նիկոլայ Տեր-Գևոնդյան. Տիֆլիս.

Հասցէս փոստատանը յայտնի է:

2013

4004

ՀՀ Ազգային գրադարան



NL0059813

